



DE LEGI-  
BUS POPVLI  
ROMANI LIBER, FRAN-  
cisco Hotomano Iurifcon-  
sulto autore.



Τῆς ἐπιμολείας δεῖλα πάντα γίνεται.

*Cum gratia & priuilegio Casario in annos V.*

BASILEAE, APVD EPISCOPIVM  
Iuniorem, M. D. LVII.





## EPIST. DEDIC.

arbitror, tanti apud me est (qui non modo iucundum, sed ne notū quidē tibi meū putabā nomen) ut multis partibus maius aliquod ornatusq; munus à me suo quodam iure flagitet. Ita est, mea quidem sentētia. Non enim me hominum quos nosti, iniuria, simul cum fortunis, iudicio animi spoliauit. Equidem & quantus sit familiæ uirtutisq; tuæ splendor præclare noui, quantumq; tibi magnis tuis rebus gestis nomē apud nationes omnes pereris: nec ignoro quā tenue & exile munusculū hoc sit quod tibi iam mitto: sed aliud esse gratiam referre, aliud agere, tu pro tua singulari prudentia nō ignoras. Illud uel ad pares pertinet, uel ad superiores: hoc unum reliquum hīs factū est, qui amissis iniquitate hominum fortunis omnibus, conscientia se rectē factorū, honestarumq; artium studio atq; amore consolantur. Accipies igitur, ornatissime & nobilissime Domine, æquo animo exiguum hoc meæ erga te obseruatiæ specimen, hoc libello testatū quasiq; cōsignatum: quod si tibi non improbari intellexero, maiores deinceps ad plusculū in hoc genere audendum animos, ut spero, assumam. Amplissime & spectatissime Domine, & Comes generosissime me bene ac feliciter uale, & salue. Argentorati X V. Cal. April. M. D. LVII.

# INDEX LEGVM

## A

de Adulterijs, Iulia	38
de Aere alieno, Valeria	77
de Aere alieno, Sulpitia	73
de Aere alieno, Sempronia	70
Agraria Seruilia	71
Agraria Sempronia	67
Agraria Liuia	45
Agraria lex paulò post C. Gracchi necem lata	82
Agraria Appuleia	5
Agraria Cassia	10
Agraria Cornelia	18
Agraria Iulia	33
Agraria Licinia	42
Agraria Titia	75
Agraria Toria	75
de Ambitu, Calpurnia	9
de Ambitu, Cornelia Bæbia	16
de Ambitu, Fabia	23
de Ambitu, Iulia	35
de Ambitu, Pinaria	55
de Ambitu prima Poetelia	57
Annalis, Villia	79
Annaria lex	4
de Annona, Claudia	11
de Autoritate patrum, Menia	50
de Auentino, Acilia	32

# INDEX

## B

<i>de Bello Antiochi, Cornelia</i>	16
<i>de Bello Macedonico, Sulpitia</i>	73
<i>de Bello Mithridatico, Manilia</i>	47
<i>de Bello Mithridatico, Sulpitia</i>	73
<i>de Bello Persei, Licinia Cassia</i>	44

## C

<i>de C. Mario, Cornelia</i>	16
<i>de C. Mario, Manlia</i>	48
<i>Caducaria, Iulia</i>	37
<i>de Cesare, Trebonia</i>	76
<i>de Caesaris prouincijs, Vatinia</i>	78
<i>de Caia Tarratia, Horatia</i>	30
<i>de Censoribus, Clodia</i>	15
<i>de Censura, Aemilia</i>	3
<i>de Cessione bonorum, Iulia</i>	39
<i>Cibaria, Aemilia</i>	3
<i>de Ciuitate, Gellia &amp; Cornelia</i>	29
<i>de Ciuitate, Calpurnia</i>	9
<i>de Ciuitate, Iulia</i>	39
<i>de Ciuitate, Iunia Papiria</i>	40
<i>de Ciuitate, Mensia</i>	50
<i>de Clauo pangendo, Genutia, Aemilia</i>	29
<i>de Cn. Pompeio, Ampia, Labiena</i>	4
<i>de Coitionibus, Duilia, Menia</i>	22
<i>de Collegijs, Clodia</i>	14
<i>de Colonia Nouicomi, Clodia</i>	15
<i>de Colonijs, Appuleia</i>	5
<i>de</i>	de

LEGVM.

de Colonijs deducendis, Liuia	46
de Colonijs deducendis, Acilia	I
de Colonijs deducendis, Aelia	2
de Colonijs deducendis, Iulia	46
de Colonijs deducendis, Sempronia	69
Commissoria lex	16
de Communi diuidundo, Licinia	43
de Comitijs, Aelia	2
de Comitijs, Claudia	11
de Comitijs, Clodia	15
de Comitijs, Fusia	27
de consecratione, Papiria	54

D

de Damno à canibus illato, Pefulania	54
de Damno iniuria dato, Aquilia	6
de Deditijs, Atilia	ibid.
de Defectione militum, Valeria	77
de Dictatura, Antonia	5
de Donis & muneribus, Cincia	11
de Donis & muneribus, Titia	74
de Duumuiris naualibus, Decia	22

E

de Exulibus, Plotia	56
---------------------	----

F

Fabia lex	23
de Falso, Cornelia	21
de Foenore, Claudia	13
de Foenore, Duilia, Mania	23

A 4 de

INDEX

de Fœnore, Genutia	29
de Fœnore, Iulia	34
de Fœnore, Licinia	43
de Fœnore, Sempronia	67
Fruventaria, Liuia	46
Fruventaria, Sempronia	70
Fruventaria, Terentia Cassia	73
de Fullonibus, Cecilia	11
de Furtis, Hôstilia	31
G	
de Gente Tarquinia, Iunia	41
H	
de Hæredum institutione, Vellea	78
I	
de Iactu, Rhodia	63
de Incestu, Peducea	54
de Iniurijs, Cornelia	21
de Intercessione, Clodia	14
de Iis qui legibus solvuntur, Cornelia	17
Iudiciaria, Aurelia	8
Iudiciaria, Cornelia	17
Iudiciaria, Iulia	33
Iudiciaria, Liuia	45
Iudiciaria, Plautia	56
Iudiciaria Pompeia	57
Iudiciaria Sempronia	68
Iudiciaria, Seruilia	72
de Iudicijs, Iulia	37
de	

LEGVM.

de Iudicijs, Valeria	77
de Iugurtha Romam euocando, Memmia	49
de Iure Campanorum, Furia	26
de Iure ciuitatis, Porcia	59
de Iure ciuitatis, Sempronio	69
de Iure ciuitatis, Sulpitia	72
de Iure patronatus, Papia	53
de Iure Siculorum, Rupilia	64
de Iure suffragij, Valeria	78
de Iurisdictione Prætorum, Cornelia	17
L	
de Legatis, Falcidia	24
de Legibus Consularis imperij, Terentia	74
de Legibus, Aebutia	2
de Legibus, Cæcilia & Didia	8
de Legibus, Iunia & Licinia	40
de Legibus & Censoribus, Publilia	60
de Legibus Cæsaris, Iulia	34
de Legumlatorib. Licinia Ebutia	44
de Liberali causa, Claudia	12
de Libertate, Iunia Petronia	41
de Libertinis, Iunia Norbana	40
de Libertinis, Visellia	79
de Limitibus, Cornelia	21
de Limitibus, Iulia	39
de Limitibus, Sempronio	70
de Ludis Apollinaribus, Licinia	44
de Lusu, Cornelia	21
	de

# INDEX

<i>de Lusu, Publicia</i>	59
<i>de Lusu, Titia</i>	74
<b>M</b>	
<i>de Magistratibus, Bebia</i>	8
<i>de Magistratibus, Cornelia</i>	18
<i>de Magistratibus, Cornelia</i>	19
<i>de Magistratibus, Duilia</i>	22
<i>de Magistratibus, Genutia</i>	29
<i>de Magistratibus sacrosanctis, Horatia</i>	30
<i>De Magistratib. è plebe creandis, Licinia</i>	43
<i>de Magistratibus, Pompeia</i>	19
<i>de Magistratibus plebeijs, Publilia</i>	60
<i>de Magistratibus, Sextia</i>	72
<i>de Magistratibus, Sempronia</i>	69
<i>Maiestatis, Appuleia</i>	5
<i>Maiestatis, Cornelia</i>	19
<i>Maiestatis, Iulia</i>	35
<i>Maiestatis, Varia</i>	78
<i>de Manumissionibus, Aelia Sentia</i>	2
<i>de Manumissione, Furia Caninia</i>	26
<i>de M. Tullio, Claudia</i>	12
<i>de Matronarum cultu, Oppia</i>	51
<i>de Maritandis ordinibus, Iulia</i>	35
<i>de Metello, Appuleia</i>	5
<i>de Minoribus, Latoria</i>	42
<i>Mimutia lex</i>	51
<i>de Mulierum hæreditatibus, Voconia</i>	80
<i>de Multa, Ateria Tarpeia</i>	6
	de

LEGVM.

de Multa, Menenia Sextia	50
de Multarum aestimatione, Papiria Iulia	53
de Municipijs, Cornelia	18
Muneralis lex	51

N

de Natali Urbis, Cornelia	21
de Nexu, Poetilia Papiria	57
de Nocturnis coetibus, Gabinia	27
de Numero conuiuiarum, Orchia	52
de Nundinis, Hortensia	30

O

Optima lex	57
------------	----

P

de Pace Carthaginensium, Acilia Minutia	1
de Pace Macedonica, Marcia Atinia	48
de Parricidijs, Pompeia	57
de Patrum connubijs, Canuleia	9
de Patritijs, Cornelia	16
de Pauli triumpho, Cassia	10
Peculatus, Iulia	39
de Peculatu, Petillia	55
de Pecunijs ob rem iudicandam captis, Pompeia	59
de Peregrinis, Licinia & Mutia	42
de Peregrinis, Petronia	55
de Pessimunti sacerdotio, Clodia	15
de Piratis persequendis, Gabinia	28
de Plagiarijs, Fabia	23
de Plebiscitis, Horatia Valeria	30
	de

# INDEX

de Plebiscitis, Hortensia	31
de Pompeio, Trebonia	76
de Procreandis liberis, Papia Poppæa	52
de Prouincijs, Claudia	13
de Prouincijs, Iulia	33
de Prouincijs, Pompeia	57
de Prouincijs decernendis, Sempronia	70
de Prouocatione, Valeria	76
de Prouocatione, Valeria	ibid.
de Prouocatione, Valeria	77
de Pueris impudicis, Scatinia	67

## Q

de Questoribus, Cornelia	19
--------------------------	----

## R

de Regio & Consulari imperio, Iunia	41
de Regibus earumq; legibus, Tribunitia	76
de Regis Attali hæreditate, Sempronia	68
de Regno Cypri, Clodia	14
de Rei furtiue usucapione, Atinia	7
de Reis postulandis, Memmia	49
de Re militari, Sempronia	69
de Re numaria, Clodia	14
de Re numaria, Papiria	53
de Re numaria, Sempronia	49
de Re numaria, Maria	ibid.
Repetundarum, Acilia	1
Repetundarum, Cæcilia	8
Repetundarum, Calpurnia	9
	Repetun-

LEGVM.

Repetundarum, Cornelia	17
Repetundarum, Iulia	33
Repetundarum, Seruilia	71
S	
de Sacerdotijs, Sextia Licinia	72
de Sacerdotijs, Romuleia	63
de Sacerdotijs, Atia	6
de Sacerdotijs, Cornelia	19
de Sacerdotijs, Domitia	22
de Sacerdotijs, Iulia	34
de Sacerdotijs, Labiena	42
de Sacerdotijs, Manlia	48
de Sacerdotijs, Ogulnia	51
Sacrate leges	65
Sacrata militaris	64
Satyra lex	66
de Satricanis, Antistia	4
de Scribarum negotiatione, Clodia	14
de Senatu, Cassia	10
de Senatu supplendo, Cassia	ibid.
de Senatu habendo, Gabinia	28
de Senatu habendo, Pupia	60
de Senatu supplendo, Sentia	70
de Senatorum nauibus, Claudia	13
de Senatoribus à Iugurtha corruptis, Mamilla	47
de Seruis, Petronia	53
de Seruitute usucapienda, Scribonia	67
de Sicarijs & ueneficijs, Cornelia	19
	de

INDEX

<i>de Socijs, Seruilia</i>	71
<i>de Socijs ac nominis Latini, Claudia</i>	12
<i>de Socijs, Liuia</i>	46
<i>de Socijs, Papi</i>	52
<i>de Sodalitijs, Licinia</i>	44
<i>de Statellis, Marcia</i>	48
<i>Sumptuaria, Antia</i>	4
<i>Sumptuaria, Cornelia</i>	18
<i>Sumptuaria, Didia</i>	22
<i>Sumptuaria, Fannia</i>	25
<i>Sumptuaria, Iulia</i>	38
<i>Sumptuaria, Licinia</i>	43
<i>de Suffragijs, Cæcilia</i>	9
<i>de Suffragijs, Papiria</i>	53
<i>de Suffragijs, Cassia</i>	10
<i>de Suffragijs, Gabinia</i>	28
<i>de Suffragijs, Maria</i>	49
<i>de Suffragijs, Sempronia</i>	69
<i>de Sylle dictatura, Valeria</i>	77

T

<i>de Templis &amp; aris Sulpitia Sempronia</i>	73
<i>de Tempore legum ferendarum, Fusia</i>	27
<i>Theatralis, Iulia</i>	38
<i>Theatralis Roscia</i>	63
<i>de Terminis, Alliena</i>	3
<i>de Terminis, Fabia</i>	23
<i>de Terminis, Fania, uide Fabia</i>	ibid.
<i>de Terminis, Mamilia</i>	46
	de

LEGVM.

de Terminis, Pедусеа	54
de Terminis, Roscia	64
de Testamentis, Cornelia	20
de Testamentis, Furia	26
de Testamentis, Glitia	30
de Tribunis militum, Rutilia	64
de Tribunis militum, Atilia Martia	7
de Tribunis militum, Licinia Cassia	44
de Tribunis plebis, Sacrata Iunia	65
de Tribunis pleb. Atimia	7
de Trib. pleb. Trebonia	75
de Trib. pleb. Aurelia	7
de Trib. pleb. Cornelia	19
de Tribunis plebis, Icilia	31
de Trib. pleb. Iunia, uide Sacrata	65
de Triumuiratu quinquennali, Titia	74
de Tusculanis, Flauia	26
de Tutelis, Atilia	7
de Tutelis, Claudia	13
de Tutoribus, Iulia Titia	39

V

Venaliu uendendoru, leges Maniliae	47
de Veneno, Iulia	38
de Vi, Claudia	12
de Vi publica & priuata, Iulia	34
de Vi publica, Lutatia	46
de Vi publica, Plautia	56
de Vi & de ambitu, Pompeia	58
de	de

INDEX

<i>de Vi, Pedia</i>	54
<i>de Vicesima, Julia</i>	37
<i>de Vicesima, Manlia</i>	48
<i>de Viduis, Julia Miscella</i>	32
<i>de Vijs Italiae, Sempronia</i>	69
<i>de Vsuris, Gabinia</i>	28
<i>Vnciaria lex</i>	80
<i>de Vnius imperio, Regia</i>	61
<i>de mortuo inferendo, Regia</i>	63
<i>de XII. tab. Decemuirales</i>	21

**Fol. 57. linea ult. pro saligneis, lege sanguineis.**

1

**SOLEGV M ROMA=**  
**NARVM ACCOMMODA=**  
**ta ad literarum ordinem**  
**enumeratio.**

A



**CILIA** Minutia de pace Carthaginiensium. ] Tulere M. Acilius, & Qu. Minutius Tribuni pleb. Cornelio, Aelio COSS. Anno DLII. Vellentne iuberentne senatum decernere, ut cum Carthaginiensibus pax fieret? & quem eam pacem dare, quemq; ex Africa exercitus deportare iuberent? De pace, uti rogas, omnes tribus iusserunt: pacem dare, P. Scipionem, eundem exercitus deportare. Liuius lib. XXX.

**Acilia** de colonijs deducendis. ] Tulit C. Acilius Tribunus pleb. Cornelio Minutio COSS. Anno DLVI. Ut quinque colonie in oram maritimam deducerentur: duae ad hostia fluminum Vulturni, Literniq;: una Puteolos, una ad Castrum Salerni. his Buxentum adiectum: tricena familiae in singulas familias iubebantur mitti. Liuius lib. XXXII.

**Acilia** repetundarum. ] Tulit M. Acilius Glabrio. Ut repetundarum causa una actione absolueretur. Cicero Verr. II. & III. & in secundam Asconius.

4 Aebutia

Aebutia de legibus. ] Tulit Aebutius Trib. pleb. Vt duodecim Tab. capita quæ Reip. propter anti- quitatem obsoletasq; res inutilia essent, abrogarentur: solæ Legis actiones Centumuiralium causarum mane- rent. Gellius lib. XVI. cap. X.

Aelia de colonijs deducendis. ] Tulit Qu. Aelius Tubero Tribunus plebis, Cornelio, Sempronio COSS. Anno DLVIII. Vt Latinæ duæ coloniæ, una in Brutios, altera in Thurinum agrum deduceretur. Li- uiius libro XXXIII.

Aelia de comitijs. ] Tulit Qu. Aelius COS. cum M. Iunio, Anno DXXCVI. Vt quoties cum po- pulo ageretur, magistratus obnunciandi potestatem ha- berent, id est denunciare agi per Iouem non licere. Nam quum lex ferretur, Augures de cœlo seruabant: magi- stratus, siquid obseruatum erat, quo impediri comitia possent, nunciabant. Cicero in Pisoniana, ubi centum ante Pisonis & Gabinij consulatum annis latam hanc fuisse legem scribit, oratorie & suo more. Mentio est apud omnes frequentissima.

Aelia Sentia de manumissionibus. ] Tu- lere Sex. Aelius, C. Sentijs COSS. Anno DCCLVIII. Vt qui serui pœnæ causa uincti à domino quibusue inu- ste notæ fuerant, quiue propter noxam torti, nocentef- ue inuenti, quiue traditi ut ferro aut cum bestijs depu- gnarent, quiue in custodia fuissent, ij si manumitterentur.

non ciues Rom. sed dedititorum numero essent: id est ut neq; connubium, neq; commercium, neq; testamenti factiōnem haberent. ut minorem triginta annorum seruum uindicta aut testamento, nisi causa apud consilium probata fuerit, manumittere non liceat. Vt dominus annis uiginti minor, seruum nisi causa apud consilium probata non manumittat. Vt ab eo domino qui soluendo non est, seruus testamento liber esse iussus, & hæres institutus, & si minor sit triginta annis, uel in ea causa sit ut dedititius fieri debeat, ciuis Romanus & hæres sit, si tamen alius ex eo testamento nemo hæres sit. Quod si duo pluresue liberi hæredesue esse iussi sunt, primo loco scriptus liber & hæres sit.

Aemilia cibaria. ] Tulit M. Aemilius Lepidus COS. cum Qu. Lutatio Catulo, Anno DCLXXV. Hac non sumptus cœnarum, sed ciborum genus & modus præfinitus est. Gellius lib. II. cap. XXIII. Macrob. Saturn. lib. III. cap. XVII.

Aemilia de censura. ] Tulit Mam. Aemilius Dictator, Anno CCCXX. Ne censura quæ usq; eò quinquennalis fuerat, plusquam annua ac semestris esset. Liuius libro quarto & libro IX.

Alliena de terminis. ] Tulit. Eius hoc caput legitur in libro De agrorum conditionibus ualde corruptum, sed ex superiore Roscia lege sic castigauimus: Quæ colonia hac lege deducta, quodue municipiū constitutum

stitutum erit, qui limites decumani, quæcunq; fossæ in eo agro erunt, qui ager hac lege datus assignatus erit, ne quis eos limites decumanos, ne obsepito, neue quod in eis immolitum, neue quid ibi positum habeto, neue eos arato, neue eas fossas obturato, neue quis sepito, quominus suo itinere aqua ire fluere possit. Si quis aduersus ea quid fecerit, in res singulas quotiescunq; fecerit,  $\text{¶ IIII}$ . colonis, municipibusue ijs in quorū agro id factum erit, dare damnas esto: pecuniæ qui uolet petitio hac lege esto.

Ampia Labiena de Cn. Pompeio. ] Tulere T. Ampius, T. Labienus Tribuni pleb. Metello Afranio COSS. Anno DCXCIII. Vt Cn. Pompeius uictor ex Asia ludis Circensibus corona aurea & omni cultu triumphantium uteretur, scenicis autem prætexta coronaq; aurea. Velleius lib. II.

Annaria lex dicebatur ab antiquis ea, qua finiuntur anni magistratus capiendi. Festus. Vide Villia.

Antia sumptuaria. ] Tulit Antius Restio. De sumptu in conuiuia. & , Vt qui magistratus esset, magistratumue capturus esset, ne quò ad coenam nisi ad certas personas itaret. Gellius lib. II. cap. XXIII. Macrobius libro tertio, cap. XVII.

Antistia de Satricanis. ] Tulit M. Antistius Tribun. pleb. Foslio (ut opinor) & Plautio COSS. Anno DCXXXVII. Vti Senatui de Satricanis ciuibus Ro. senten=

sententiæ ferendæ ius esset. *Liuius libro XXVI.*

**Antonia de Dictatura.** ] Tulit M. Antonius Triumuir R. P. C. Ne quis ullã ob causam de Dictatore creando referret, ne ue Dictaturam oblatam acciperet, qui secus faxit, eum ut secare ius fasq; esset. *Appianus Emphyl. tertio.*

**Appuleia de colonijs.** ] Tulit L. Appuleius Saturninus Trib. pleb. C. Mario VI. L. Valerio COSS. Anno DCLIII. Vt in singulas colonias ternos ciues Rom. C. Marius facere posset. *Cicero Pro Balbo.*

**Appuleia maiestatis.** ] Tulit idem. Meminit Cicero lib. De oratore secundo, ubi de causa Norbani loquitur, quem maiestatis Appuleia lege postulatam defendit Antonius.

**Appuleia agraria.** ] Tulit idem, eodem anno, Vt quem agrum C. Marius COS. in Gallia pulsus Cimbris, in ditionem populi Rom. rede gisset, is populo Ro. diuideretur, & si ita lex sciuisset, intra diem quintum a singulis senatoribus in eam iuraretur: qui non iurasset, ei multa, pœna esset. *Appian. lib. De bellis ciuil. I.*

**Appuleia de Metello.** ] Tulit idem. Vt Metello Consuli quod legi ipsius Agrariæ que intra quintũ diem iurari in eam uetabat, non paruisset, aqua & igni interdiceretur. *Appian. lib. De bello ciuil. I.*

*Aquila de damno iniuria dato.* ] Tulit C. Aquilius Gallus, Trib. plebis: uti scribit Vlpian. l. j. D. ad leg. Aquil. ex quo Plebiscitum uerius appellatur. Eius tria capita fuere, quæ tum ex Instit. tum ex Pandectis cui uis in promptu esse possunt. Hanc puto esse legem de qua Cicero in Bruto sic loquitur, Atq; eodem tempore accusator de plebe L. Casidænus fuit, quem ego audiui iam senem, quum ab L. Sabelio multam lege Aquilia de iniuria petiuisset. Opinor enim legendū DAMNI INIURIA: qua de formula diximus in Orat. pro Comœdo.

*Ateria Tarpeia, de multa.* ] Tulere Sp. Tarpeius, A. Aterius COSS. Anno CCXCVIII. Ut omnibus magistratibus multæ dicendæ ius esset: quum antea solis Consulibus id liceret: ita tamen ne uel duos boves, uel triginta oues excederent. ut quum multa pecoris armentiq; a magistratibus diceretur, bos centusis, ouis decusis æstimaretur. Dionys. lib. X. Gellius lib. II. cap. I. & Festus lib. XIII. in uoce Peculatus.

*Atia, de sacerdotijs.* ] Tulit T. Atius Labienus Trib. pleb. Ut populus sacerdotia mandaret, quum antea sacerdotes à Pontificum collegio mandarentur. Dionysius libro XXXVII.

*Atilia de dedititijs.* ] Tulit L. Atilius Trib. pleb. Claudio, Valerio COSS. Anno DXLIII. Omnes Campani, Attellani, Calatini, Sabatini, qui se dediderunt in arbitriū ditionemq; populi Rom. Fulvio Procōsuli, quæq;

unà secum dederunt, agrum urbemq;, diuina huma-  
naq;, utensiliaq;, siue quid aliud dederunt: de his rebus  
quid fieri uelitis, uos rogo Quirites. Plebs sic iussit,  
Quod Senatus maxima pars censeat, qui assidetis, id uo-  
lumus iubemusq;. Hæc Liuius lib. XXVI.

**Atilia Martia de Trib. militum.] Tulere L.**  
Atilius, C. Martius Tribun. pleb. Iunio Aemilio COS.  
Anno CDXLII. Vt Tribuni militum seni deni in qua-  
tuor legiones à populo crearentur, quæ antea, perquam  
paucis suffragio populi relictis locis, Dictatorum &  
Consulum fermè fuerant beneficia. Liuius lib. IX.

**Attilia de tutelis.] Tulit.** Vt mulieribus pu-  
pillisue tutores non habentibus, à Prætorè & maiore  
Tribunorum pleb. darentur. Ulpian. In Instit. tit. XII.  
Imperator, De Atiliano tutore.

**Atinia de rei furtiux usucapione.] Tulit.**  
Vt quod surreptum esset, ita usucapi posset, si in eius cui  
surreptum esset, potestatem reuertisset. Gell. lib. XVII.  
cap. VII. Paulus l. IIII. §. IIII. D. De usurpat. Iulia-  
nus l. XXXIII. eiusd. tit. Cicero Verr. III.

**Atinia de Trib. pleb.] Tulit.** Vt Tribuni ple-  
bis è Senatu crearentur, sententiæq; in Senatu ferendæ  
ius haberent. Gell. lib. XIII. cap. ult.

**Aurelia de Tribunis pleb.] Tulit C. Aurelius**

**S** DE LEGIBVS

Cotta COS. cum L. Octauius Anno DCLXXVIII. Vt Tribunis pleb. liceret postea alios magistratus capere: quod lege Sullæ ijs erat ademptum. Pædianus.

**Aurelia iudiciaria.** ] Tulit C. Aurelius Cotta Prætor, M. Crasso, Cn. Pompeio COSS. Anno DCLXXXIII. Vt iudicia quæ penes solos senatores erant, inter senatores, & equestrem ordinem, & Tribunos ærarios communicarentur. Cicero in Verrinis sepe, Asconius quoq; , & in Orat. pro Cornelio, & in Pisonem. Florus uerò epitome XCVII. Velleius lib. II. ubi tamen Tribunos non nominat.

**B**

**Bæbia de magistratibus.** ] Tulit. Vt alternis annis quaterni Prætores crearentur. Liuius libro XL. Festus nominat libro XVI. in uoce, Rogat.

**C**

**Cæcilia & Didia de legibus.** ] Tulerunt Qu. Cæcilius Metellus, T. Didius COSS. Anno DCLV. Ne multis de rebus coniunctim una rogatione ad populum ferretur, ne populo necesse esset, in coniunctis rebus compluribus aut id quod nollet accipere, aut id quod uellet repudiare. Cicero Philipp. V. pro Domo sua, & ad Attic. epist. I.

**Cæcilia repetundarum.** ] Tulit. Nominatur à Valetio Max. lib. VI. cap. XI.

**Cælia**

**Calia, de suffragijs.** ] Tulit Cælius Trib. pleb. Qu. Cæcilio, T. Quinctio COSS. Anno DCXXX. Vt etiam in perduellionis iudicio quod Cassiana lege Tabellaria exceptum erat, populus non uoce sed tabella sententiam ferret. Cic. lib. De nat. III.

**Calpurnia repetundarum.** ] Tulit L. Calpurnius Piso Trib. pleb. L. Marcio, M. Manilio COSS. Anno DCIII. nulla antea quum fuisset. Vt quibus in provincijs magistratus populi Rom. earumue comites pecunias contra leges cepissent, earum prouinciarum homines iudicio Romæ constituto suas pecunias repeteret. Cic. De offic. II. & in Bruto.

**Calpurnia, de ambitu.** ] Tulit C. Calpurnius Piso COSS. cum M. Glabrione, Anno DCLXXXVI. Vt ambitus damnati omni honoris petitione prohiberentur. Cic. pro Muræna, pro Cornel. & in eam Ascon.

**Calpurnia de ciuitate.** ] Sisenna histor. lib. III. Milites ut lex Calpurnia concesserat, uirtutis ergo ciuitate donari. Hæc Nonius in uoce Ergo.

**Canuleia, de patrum connubijs.** ] Tulit C. Canuleius Trib. pleb. M. Genutio & C. Curtio COSS. Anno CCCIX. Vt plebi cum patribus connubiorum ius esset. Vt Tribuni militum consulari potestate promiscue ex patribus ac plebe crearentur. Augustinus lib. De ciuit. Dei III. cap. XVII. Linius lib. III.

**Cassia agraria.** ] Tulit Sp. Cassius Consul cum Virginio, Anno CCLXVII. Vti ex agro Hernicis, qui buscum foedus ictum erat, adempto, dimidium Latinis, dimidium plebi diuideretur. Lex tamen non tenuit. Liius lib. XI. Valerius lib. V. cap. VIII.

**Cassia de senatu.** ] Hanc tulit L. Cassius, L. F. Longinus, Tribunus pl. C. Mario, L. Flacco COSS. Anno DCLIII. Vt quem populus damnasset, cuius imperium abrogasset, in senatu ne esset. Aſcon. in Cornel.

**Cassia de suffragijs.** ] Tulit L. Cassius, Trib. pl. Lepido & Mancino COSS. Anno DCXVI. Vt iudices sententias, quas uoce dicebant, tabellis ferrent: in his etiam populus ipse, duntaxat quum de multis iudicaret, non de capite: nimirum in perduellionis iudicio. Cic. in Bruto, & lib. De legib. III. Item Aſcon. in Cornelianam, & Verrinam II.

**Cassia de Pauli triumpho.** ] Tulit Qu. Cassius Prætor, Aelio Iunio COSS. Anno DLXXXVI. Vt Paulo, Anicio, & Octauio ex bello Macedonico cum uictoria redeuntibus, quo die urbem triumphantes inueherentur, imperium esset. Liius lib. XLV.

**Cassia de senatu supplendo.** ] Tulit C. Cassius Prætor, Dictatore Iulio Cæsare. Vt in numerum patritiorum qui Senatui deessent, alij sublegerentur. Tacitus lib. XI. Suetonius autem in Iulio Cæsare scribit, eum  
 senatum

senatum suppleuisse, patritios allegisse, Prætorum, Aedilium, Quæstorum, minorum etiam magistratuum numerum ampliassse. Vtrum autem illa Cassia lege, an alia, incertum est.

**Cecilia de fullonibus.** ] Tulit Cecilius Metellus: C. Flaminius, L. Aemilius CENS. dedere ad populum ferendam. Plinius lib. XXXV. cap. XVII.

**Cincia de donis & muneribus.** ] Tulit M. Cincius Trib. pleb. Cornelio, Sempronio COSS. Anno DXLIX. Ne quis ob causam orandam donum munusve caperet. Liuius lib. XXXIII. Tacitus lib. XI. Cincero in Catone, ad Att. I. & de Orat. II. Festus hanc Muneralem à Plauto uocari scribit. Neq; muneralem legem, neq; lenoniam, Rogata fuerit nec ne, flocci æstimo.

**Claudia de annonæ.** ] Tulit P. Claudius Trib. pleb. Pisone, Gabinio COSS. Anno DCXCV. Vt frumentum populo, quod antea semis æris ac trientibus in singulos modios dabatur, gratis daretur, & Sex. Claudio frumentaria procuratio mandaretur. Ascon. in Pisonianam, Cic. pro Sestio, & in Pisonem, & Pro domo.

**Claudia de comitijs.** ] Tulit idem. Ne quis per eos dies quibus cum populo agi liceret, de cælo seruaret. Vt omnibus fastis legem ferri liceret: qua de causa legem Aeliam & Fusiam à Clodio sublatam toties Cicero queritur: in Sestiana, Pisoniana, & in hanc Asconius, & Dion. lib. XXXVIII.

**Claudia**

**Claudia de ui.]** Tulit idem. Vt de ijs qui ciues Rom. sine iudicio populi indictaq; causa necassent, quaestio haberetur. Tulit autem ob Ciceronem & alios, à quibus necati erant Catilinarij, quamuis nominatim de Cicerone nullam faceret mentionem. Velleius lib. II. Dion. XXXVIII. Cicero ad Att. III.

Claudia de intercessione.

Claudia de collegijs.

Claudia de Gabinio.

Claudia de regno Cypri.

Claudia de Pessinunte.

Claudia de censoribus.



Vt infra in  
Clodia.

**Claudia de M. Tullio.]** Tulit idem. Vt M. Tullio Ciceroni quòd falsum S. C. retulisset, quòd ciues Rom. indemnatos necasset, aqua & igni interdictum esset, neue ei intra quingenta passuum millia liceret esse, ne quis de ipsius reditu ad senatum referret, ne quis sententiam diceret, ne disputaret, ne loqueretur, ne pedibus iret in sententiam, ne scribendo adesset. Pro domo sua, post reditum in sen. & lib. ad Att. III. & Dio. lib. XXXVIII.

**Claudia de liberali causa.]** Tulit App. Claudius Decemuir, cum collegis: Anno CCCII. Vt quum quis in seruitutem assereretur, uindictae secundum libertatem darentur. Liius lib. XIII. Dionys. lib. X.

**Claudia de socijs ac nominis Latini.]** Tulit

lit

lit C. Claudius COS. cum T. Sempronio, Anno DL=XXVI. Qui socij ac nominis Latini censi essent, ut omnes in suam quisq; ciuitatem ante Kal. Nouembres redirent. Vt Dictator, Consul, Interrex, Censor, Prætor, qui nunc esset apud forum, darent operam, ut qui manumitteretur, in libertatem vindicaretur: iusiurandum daret, qui eum manumitteret, ciuitatis mutandæ causa manus non mittere: qui id non iuraret, eum manumittendum non censuerunt. Lilius lib. XLI.

Claudia de fœnore.] Tulit Claudius Cæsar. Ne creditores in mortem parentum pecunias filijs familiarum fœnori darent. Tacitus lib. XI.

Claudia de tutelis.] Tulit. Vt ne agnati mulierum tutelam legitimam recipere cogerentur. Vlpian. tit. XI. & Imp. l. III. C. De legit. tut.

Claudia de prouincijs.] Tulit idem. Vt Gabinio, Syria: Babylonia, Persæ: Pisoni, Macedonia, Achaia, Thessalia, Græcia, omnisq; Bœotia proconsulari imperio daretur: ijsq; cum exercitu in eas prouincias ituris pecunia ex ærario attribueretur. Cicero Pro domo, & in Sextiam.

Claudia de senatorum nauibus.] Tulit Qu. Claudius Tribun. pleb. P. Cornelio, T. Sempronio COSS. Anno DXXXVI. Ne quis Senator, quiue Senatoris pater fuisset, maritimam nauem, quæ plusquam trecentis

trecentarum amphorarum esset, haberet. Id satis habitum ad fructus ex agris uectandos: quæstus omnis patribus indecorus uisus est. Liuius lib. XXI.

Clodia de scribarum negociatione. ] Vide tur proximæ Clodiæ pars fuisse. Suetonius in Domitiano, Scribas quæstorios negociantes ex consuetudine, sed contra Clodiam legem uenia in præteritum donauit. Aliud ea de lege nihil reperio.

Clodia de re numaria. ] Tulit. Ut uictoria tus numus, qui ex Illyrico aduectus mercis loco habebatur, Romæ percuteretur: & eadem uictoriæ nota obsignaretur. Plinius lib. XXXIII. cap. III.

Clodia de intercessione. ] Tulit idem Clodius. Ut libera & soluta in ferendis legibus Tribunorum plebis potestas esset, neq; intercessione impediretur. Nouem enim Tribunis unus obsistere poterat. Cic. in Sextiana.

Clodia de collegiis. ] Tulit idem. Ut collegia, id est, conuentus artificum, à Numa instituti, & magna ex parte partim legibus, partim Senatusconsultis sublatis restituerentur, multiq; alij constituerentur. Cicero in Sextiana, Pisoniana, Pro domo sua. Pedianus in Cornel. & Dio. lib. XXXVIII.

Clodia de regno Cypri. ] Tulit idem. Ut Cyprus insula in prouinciæ formam redigeretur, ut Ptolemaeus

meus rex Cypri sedens cum purpura & sceptro, & illis insignibus regijs præconi publico subijceretur, & cum bonis omnibus publicaretur. Vt M. Cato Quæstor cum iure prætorio, adiecto etiam Quæstore mitteretur in insulam Cyprum, & regie gaze uendende, & pecunie deportande præficeretur. Vt qui Byzantij rerum capitalium damnati exularent, populi L. nomine in eam ciuitatem reducerentur. Cicero pro Domo sua, pro Sext. De prou. cons. Velleius lib. II. Plut. in uitis.

Clodia de Pessinuntio sacerdotio. ] Tulit idem. Vt Pessinuntius Matris magnæ sacerdos, suo sacerdotio spoliaretur, fanumq; illud Brogitaro Gallogræco attribueretur. Pro Sextio, De arusp. resp.

Clodia de censoribus. ] Tulit idem. Ne quem Censores in legendo præterirèt, nèue qua ignominia afficerent, nisi qui apud eos accusatus, & utriusq; Censoris sententia damnatus esset. Asconius in Pisonianam, Cicero in eadem, in Miloniana, & Sestiana.

Clodia de comitijs. ] Tulit M. Clodius Marcellus COS. cum Ser. Sulpitio, Anno DCCII. Ne in magistratuum comitijs absentium ratio haberetur. Suetonius in Cesare.

Clodia de colonia Nouicomum. ] Tulit idem M. Marcellus. Vt colonis quos rogatione Vatinia, Nouicomum Cesar deduxisset, ciuitas adimeretur: quòd  
per

per ambitionem, & ultra præscriptum data esset. Suetonius in Cesare.

Commissoriam dicitur in emptionibus & oppignorationibus, quum aut res hoc pacto uenditur, ut precio ad diem non soluto, res sit inempta: aut pignus ita datur, ut ad diem non reddita pecunia, creditoris fiat. Hinc tit. De lege commissoriam lib. Dig. XVIII.

Cornelia de patricijs. ] Tulit cum collegis Sex. Cornelius Trib. milit. Anno CCCXXI. Ne quis patricius in arce aut Capitolio habitaret. Liuius libro sexto, Dionysius lib.

Cornelia de bello Antiochi. ] Tulit P. Cornelius COS. cum M. Acilio, Anno DLXII. Vellent iuberentne cum Antiocho rege, quiq; sectam eius secuti essent, bellum iniri. Liuius lib. XXXVI.

Cornelia, Bæbia de ambitu. ] Tulere P. Cornelius, M. Bæbius COSS. Anno DLXXII. Liuius lib. XL. Florus præterea epit. XLVII. legem de ambitu latam testatur.

Cornelia de C. Mariò. ] Tulit L. Cornelius Cirtina COS. cum Cn. Octauio, Anno DCLXVI. Ut C. Marius qui à L. Sylla oppressus profugerat, in urbem reciperetur. Velleius lib. II. App.

Cornelia

**Cornelia de ijs qui legibus soluuntur.]** Tulit C. Cornelius Trib. pl. C. Pisone, M. Glabrione COSS. Anno DCLXXXVI. Ne quis in senatu legibus solueretur, nisi CC. affuissent, neue quis intercederet quum de ea re ad populum ferretur. Asconius in Cornelianam. quod eo pertinebat, ut esset quidem in senatus potestate dare extra ordinem imperia, legibusq; soluere, sed ita ut post rogatu ad populum ueteri more de ea re ferretur. Dionysius libro XXXVI.

**Cornelia de iurisdictione pratorum.]** Hanc idem etsi nemo repugnare ausus est, multis tamen inuitis tulit, ut eodem loco scribit Asconius: Vt Prætores ex edictis suis perpetuis ius dicerent: quæ res tum gratiam ambitiosis Prætoribus, qui uariè ius dicere assueuerant, sustulit.

**Cornelia iudiciaria.]** Tulit L. Cornelius Sulla Dictator & COS. cū Qu. Metello, Anno DCLXXIII. Vt iudicia equestri ordini adempta, in solum ordinem Senatorium transferrentur. Ita quadrat annorum ratio ab Asconio tradita, quum ait, Equites à lege Sempronia ad hanc legem annos quadraginta iudicasse. quum Cicero oratorio more dicat propè quinquaginta. Flor. epit. LXXXIX. Ascon. in Diuin. & Cicero in eadem.

**Cornelia repetundarum.]** Tulit idem. Vt ne repetundarum causa una actione absolueretur. Vt certi dies prouincialib, magistratibus quibus successum esset,   
 b præstituti

præstituti essent: Legatis sumptus præscriberetur. Cic. Verr. III. pro Posthumo. lib. epist. I. ep. IX. & libro III. epist. VI. & X.

Cornelia agraria. ] Tulit idem. Vt proscriptorum agri publici essent. Cicero contra Rullum. Sallustius in Catilin.

Cornelia sumptuaria. ] Tulit idem. Vt Calendis, Idibus, Nonisq; diebus ludorum & ferijs quibusdam solennibus HS. tricenos in coenam insumere, ius potestasq; esset. cæteris autem alijs diebus omnibus, non amplius ternos. sunt & minora precia rebus imposita. Gellius lib. II. cap. XXIII. Macrob. lib. Satur. III. cap. XVII.

Cornelia de municipijs. ] Tulit idem ut municipijs omnibus ius ciuitatis agriq; adimeretur. Cicero Pro domo sua, pro Cecinna, Appianus belli ciuilibus lib. II.

Cornelia de magistratibus. ] Tulit opinor idem. Vt qui cum imperio in prouinciam præfectus esset, tandiu illud imperium retineret, quoad in urbem reuersus esset. quum antea certo ac præfinito tempore imperium illud terminaretur: et si successor non mitteretur, noua rogatione ad imperium prorogandum opus esset. Item ut triginta tantum dies postquam successor missus esset, magistratui ad decedendum concederentur. Cic. ep. IX. ad Lentulum, & lib. III. ad App. ep. VI.

Cornelia

**Cornelia de Tribunis pl.] Tulit idem.** Ne Tribu-  
nibus pl. ferendarum legum ius esset, neue ijs qui Tribu-  
ni pl. fuissent, alios postea magistratus gerere liceret. Ci-  
cero de legib. III. Caesar comment. Gal. lib. I. Plutarchus  
in uita. Florus in Epit. Appian. De bello ciuili I.

**Cornelia de magistratibus.] Tulit idem.** Vt  
ijs qui suas partes in ciuili bello secuti essent, honores  
ante tempus capere ius esset. Vt si quis magistratum pe-  
teret, quem ante gessisset, nisi decennium interiectum es-  
set, eius ratio non haberetur. Appian. de bell. ciuilib.

**Cornelia de sacerdotijs.] Tulit idem.** Vt ius  
creandorum sacerdotum à collegijs, quorū hac lege Do-  
mitia potestas erat, ad populum transferretur. ijsq; ex ue-  
teri more tributis comitijs cooptarentur. Dionys. libro  
XXXVII.

**Cornelia de quæstoribus.] Tulit idem.** Vt ui-  
ginti Quæstores supplendo senatui crearentur, cui iudi-  
cia tradiderat. Tacitus lib. XI.

**Cornelia maiestatis.] Tulit idem.** Nominatur à  
Pædiano in Cornelianam, & à Cicerone in Pisonem.

**Cornelia de sicarijs & ueneficijs.] Tulit i-  
dem.** Vti qui hominem occiderit, cuiusq; dolo malo in-  
cendium factum erit, quiue hominis occidendi, furtiue fa-  
ciendi causa cum telo ambulauerit, iudicio publico dam-

netur. Martianus l. I. D. ad l. Corn. De sicar. quo in titulo multa huius legis capita enumerantur. Ea lege excepti erant, qui proscriptione Syllana ob relata ciuium Rom. capita pecunias ex ærario acceperant. Sueton. Cesare. Intelligendum est autem, in hac quoq; lege iudiciũ de parricidijs comprehensum fuisse, eiusq; quæstionis partem extitisse. hoc est, Prætorem eum qui de sicarijs ius dicebat, de parricidijs etiam quæsisse: quemadmodum ex Rosciana Ciceronis intelligitur. Itaq; accipiendum est, quod ait Pompon. in l. II. De orig. iur. Cornelium Syllam quæstionem de parricidijs constituisse.

Cornelia de iniurijs.] Tulit, opinor, idem in eos qui quempiam pulsarint, uerberauerint, domumue alienam ui introierint. Vlp. l. V. D. De iniur.

Cornelia de falso.] Tulit idem. De omni falsitatum genere, quæ in numis, testamētis, partibus, iudicijs, tabulis publicis alijsq; rebus cõmissæ, publici iudicij pœnam mererentur. de quibus Iurisconsulti copiosè in tit. Ad leg. Corn. De fals. Crimina enim ferè sunt innumera, quibus quòd pœna esset constituta nulla, huius legis pœna partim Senatusconsultis, partim Principum rescriptis, partim etiam Iurisconsultorum responsis attributa est. Meminit Cicero Verr. III. De nat. deor. II. & Sueton. in Augusto. Pompon. l. II. De origin. iur. Paulus sent. III. cap. VII.

Cornelia de testamentis.] Tulit.

Vt eorum

rum testamenta qui in hostium potestate essent, perinde rata essent, ac si hi qui ea fecissent in hostium potestatem non peruenissent: & hereditas ex his eodem modo ad unumquemq; pertineret. Iulianus l. XII. D. Qui test. fac. poss. Vlp. in Institut. tit. XXIII. Iauolenus in l. XV. De vulg. & pup. sub. Atq; ex hac lege inducta fictio est, Vt qui captus apud hostes decederet, mortuus eodem momento, quo captus esset, putaretur.

Cornelia de lusu. ] Tullit. Ne quis in pecuniam luderet, sponsonemue in ludo, nisi qui corporis exercendi causa susceptus esset, faceret. Martianus l. III. D. De aleator.

Cornelia de limitibus. ] Tullit. Vt per actuarios limites populo sicut per uiam publicam itineris faciendi ius esset. Hyginus in libello De limitib. cōstit.

Cornelia de natali Urbis. ] Tullit P. Cornelius Dolabella COS. statim post Cæsaris necem, Vt deinceps is dies natalis Urbis haberetur. Appianus lib. De bello ciuil. secundo.

## D

Decemuirales de XII. tab. ] Tullit App. Claudius Decemuir, cum collegis Anno CCCII. Vt leges X. tabularum ratæ essent, eisq; populus pareret. His etiam duas eodem anno tabulas addiderunt. Dionys. lib. X. & Lilius lib. III.

Decia de Duumuiris naualibus. ] Tulit M. Decius Trib. pl. Iunio, Aemylio COSS. Anno CDXLII. Vt Duumuiros nauales clasſis ornādæ reficiendæq; cauſa populus iuberet. Liuius lib. IX.

Didia ſumptuaria. ] Tulit. App. Claudio, Qu. Metello COSS. Anno DCX. Vt uniuerſa Italia, non ſola urbs, lege Fannia ſumptuaria teneretur. Vt non ſoli qui prandia cœnæſue maiore ſumptu feciſſent, ſed etiam qui ad eas uocati eſſent, atq; omnino interfuſſent, pœnis legis tenerentur. Macrob. lib. III. cap. XVII.

Domitia de ſacerdotijs. ] Tulit Cn. Domitius Ahenobarbus Trib. pl. C. Mario III. Qu. Aurelio COSS. Vt non ſacerdotum collegia, ut antea, quem uellent cooptarent: ſed populi id beneficium eſſet. ſed quod populus per religionem ſacerdotia mandare non poterat, rogauit ut minor pars populi, id eſt, tribus ſeptemdecim uocarentur: ab ea parte qui eſſet factus, is à collegio cooptaretur. Suet. Nerone. Velleius lib. II. Cic. in Rullum. ep. V. ad Brutum, & pro Cornelio, & Aſcon. in eandem.

Duilia de magiſtratibus. ] Tulit M. Duilius Trib. plebis Valerio, Horatio COSS. Anno CCCIII. Vt qui plebem ſine Tribunis pleb. reliquiſſet, quiq; magiſtratum ſine prouocatione creaiſſet, tergo ac capite puniretur. Liuius lib. III. Dionyſ.

Duilia Mænia de coitionibus. ] Tulere de collegij

collegij sententia M. Duilius, L. Manius Trib. pleb. Mar-  
tio, Manlio COSS. Anno CCCXCVI. Ne quis postea  
populum seuicaret: qui hoc faxit, capitale esset. Livi-  
us libro septimo.

Duilia Mania de fœnore. ] Tulere idem. Vt  
fœnus ne maius unciario exerceretur. Livi-  
us lib. VII.

F

FABIA de ambitu. ] Vt certus numerus secta-  
torum esset, id est eorum qui candidatos in cam-  
pum deducebant. Cicero in Muræni-  
ana.

Fabia de plagiarijs. ] Tulit. Vt qui inge-  
nuum aut libertinum hominem sciens emerit, uendide-  
rit, inuitum celauerit, uinctum habuerit: seruum alie-  
num retinuerit, uel persuaserit ut à domino fugeret, iudi-  
cio pœnaq; damnetur. Cicero pro Sex. Rabirio, An de  
seruis alienis contra legem Fabiam retentis, plura dicen-  
da sunt? Et Iurisconsulti in Pandect. item Paulus sent. V.  
capite septimo.

Fabia lex, pro formula dicitur apud Paulum lib.  
sent. III. tit. III. improprie, quum ea lex non fuerit: sed a-  
ctionis formula. Similiter autem Cicero Manilianas ue-  
nalium uendendorum leges dixit, in libro De orat. I. pro  
Cautiones.

Fabia de terminis. ] Ea legitur in libro De agro-  
rum conditionibus his ferè uerbis, quæ paucis quibus-

b 4 dam

dam locis correximus. Qui hac lege coloniam deduxerit, municipium, praefecturam, forum, conciliabulum constituerit, in eo agro, qui ager intra fines eius coloniae, municipij, fori, conciliabuli, praefecturae erit, limites decumani ut fiant, terminiq; statuuntur, curato: quiq; fines ita statuerit, hi fines eorum sunt, dum ne extra agrum colonicum, territorium fines ducat: quiq; termini hac lege statuti erunt, ne quis quem eorum eijcito, neue commoueto, sciens dolo malo: si quis aduersus ea fecerit, is in terminos singulos quos eiecerit, locoue mouerit sciens dolo malo, ¶ XXV. in publicum eorum, quorum intra fines is ager erit, dare damnas esto, deq; ea re curatoris, qui hac lege erit, iurisdictio, recuperatorumq; datio addictio esto. Si curator hac lege non erit, tunc quicumque magistratus in ea colonia, municipio, praefectura, foro, conciliabulo iuri dicundo praerit, magistratus de ea re iurisdictio iudicisq; datio addictio esto: inq; eam rem is qui hac lege iudicium dederit, testibus publice duntaxat in res singulas X. denunciandi potestatem facito, ita ut e Republica fideq; sua uidebitur. Et si is unde ea pecunia petita erit, condemnatus erit, eam pecuniam ab eo deue bonis eius, primo quoq; die exigito, eiusq; quod receptum erit, partem dimidiam ei cuius unius opera maxime is condemnatus erit, partem dimidiam in publicum redigito. Quo ex loco terminus aberit, si quis in eum locum terminum restituere uolet, sine sua fraude licet face re: neue quid cui is ob eam rem hac lege damnas esto.

Falcidia de legatis. ] Tulit P. Falcidius Trib. pl.  
Domitio

Domitio, Asinio COSS. Anno DCCXIII. Eius hæc quatuor capita putantur. Qui ciues Rom. sunt, qui eorum post hanc legem rogatam testamentum facere uolet, ut quam pecuniam quasq; res, quibusq; dare legare uolet, ius potestasq; esto ut hac lege licebit. Quicumq; ciuis Rom. post hanc legem rogatam testamentum faciet, is quantam cuiq; ciui Rom. pecuniam iure publico dare legare uolet, ius potestasq; esto, dum ita detur legetur, ut minus quam quartam partem hæreditatis ex eo testamento hæredes capiant. Eis quibus ita datum legatum erit, eam pecuniam sine fraude sua capere liceto: isq; hæres, qui eam pecuniam dare iussus damnatusue erit, eam pecuniam debeto dare, quam damnatus est. Si quis aliter quam hac lege liceat, pecuniam dederit legauerit, hæredi quartam partem eius pecuniæ quæ data legata erit, ex eo testamento retinere liceto. Dio. lib. XLVIII. & Iurisconstit. ad legem Falcid.

**Fannia sumptuaria.]** Tulit C. Fannius COS. cum M. Messala Anno DXCII. Vt ludis Romanis, plebeijs, Saturnalibus, & alijs quibusdam diebus centenos eris in singulos dies impendere liceret: decemq; alijs diebus in singulis mensibus, tricenos: cæteris autem omnibus diebus, denos. Nequid uolucrum poneretur, præter unam gallinam quæ non esset altilis. Plin. lib. X. cap. L. Gellius lib. II. cap. XXIII. Macrob. lib. III. cap. XVII.

**Fauia de terminis.]** Vide Fabia.

b 5

Flauia

Flauia de Tusculanis. ] Tulit M. Flauius Tribun. pl. Sulpitio, Aemilio COSS. Anno CDXXX. Vt in Tusculanos animaduerneretur, quorum ope ac consilio Veliterni, Priuernatesq; populo Rom. bellum fecissent. Liuius lib. VIII.

Furia Caninia de manumissione. ] Tulere opinor, P. Furius Camillus, C. Caninius Gallus COSS. Anno DCCLII. Vt in testamento ex tribus seruis non plures quàm duos manumittere liceat: usq; ad decem, dimidiam partem: à decimo usq; ad triginta tertiam partem, ut tamen adhuc quinq; manumittere liceat, æquè ut ex priori numero: à triginta usq; ad centum, quartam partem, æquè ut decem ex priori numero liberari possint: à centum usq; ad quingentos, partem quintam similiter, ut ex antecedenti numero uiginti quinq; possint fieri liberi. eademq; præcipit ne plures numero quàm centum ex cuiusquam testamento liberi fiant. Eadem lex cauet, ut libertates seruis testamento nominatim dentur. Hæc ex Instit. Vlp. tit. I. Paulo sentent. III. Caij Instit.

Furia de iure Campanorum. ] Dedit Campanis L. Furius Prætor, Foslio & Plantio COSS. Anno CDXXXV. quum primum Capua in deditionem recepta, Præfecti eo missi sunt. Liuius lib. IX.

Furia de testamentis. ] Tulit C. Furius Trib. pleb. Ne cui supra mille asses legare, mortisue causa donare liceret, quòd si quis maiorem summam sibi legatam accepisset

accepisset, quadruplum eius quo plus quàm licebat accepisset, redderet. Lata est autem (ut ait Iustin.) Legis XII. tab. coercendæ causa: qua uti quisq; legasset suæ rei, ita ius erat. Cicero pro Balbo, & Verrina III. Iustinian. De lege Falcid. Vlpian. tit. I. & XXVIII.

**Fusia de comitijs.] Tulit Qu. Fusius Calenus Prætor, C. Cæsare, M. Bibulo COSS. Anno DCXCIII. Quum in Tributis comitijs omnium simul suffragia confunderentur, itaq; fieret, ut singula genera de suffragiorum euentu sic inter se contenderent, ut quod rectè statutum esset, id suo suffragio factum dicerent, quod secus, in alios reijcerent: Tulit, Vt singula genera suffragium seorsim ferrent, quo sententiæ internosci possent. Hoc modo singulorum generum suffragia seorsim renunciabantur. Dio. lib. XXXVIII.**

**Fusia de tempore legum ferendarum.] Tulit P. Furius, siue Fusius Consul cum Sex. Atilio, Anno DCXVII. Quibus diebus agi cum populo fas non esset. Cicero in Sestiana, In orat. post reditum, De prouinc. consul. & alibi frequentissime. Latam illo tempore Cicero in Pisoniana testatur: qui centum annis dixit, pro circiter centum annis.**

## G

**Gabinia de nocturnis cœtibus.] Tulit. Vt qui conciones ullas clandestinas in urbe conflauisset, more maiorum capitali supplicio multaretur. Ex orat. Porc. Latronis in Catil.**

Gabinia

Gabinia de suffragijs.] Tullit A. Gabinius Trib. pleb. Pisone, Popillio COSS. Anno DCXIII. Vt comitijs quibus magistratus crearentur, populus non uoce, sed tabella suffragium ferret. Et quo id liberius esset, cautum est, Ne quis inspiceret tabellam, ne rogaret, ne appellaret, ita ab omni parte liberum iudicium suum in magistratibus creandis populus haberet. Cicero De legibus XXXI.

Gabinia de piratis persequendis.] Tullit A. Gabinius Trib. pleb. Metello, Marcio COSS. Anno DCLXXXV. Vt bellum aduersus piratas Cn. Pompeio in triennium ita mandaretur, Vt toto mari quod est intra columnas Herculis, & in maritimis prouincijs usque ad quadringentesimum à mari stadium potestatem haberet imperandi regibus, præsidibus, ciuitatibus, ut se rebus omnibus ad eius belli administrationem necessarijs iuuarent. Pædian. in Cornel. Velleius libro II. Dio. libro XXXVIII. Plutarchus in Pompeio, & Cicero De lege Manilia. Appian. in Mithridat.

Gabinia de senatu habendo.] Tullit. Vt ex Cal. Feb. ad Cal. Martias quotidie Senatus cogeretur, et legatis exterarum nationum daretur. Cicero in Epist. ad Qu. Frat. lib. II. ep. XI.

Gabinia de usuris.] Tullit. Ne ius diceretur de ijs pecunijs quæ usura facta essent sumptæ. ne scilicet prouinciales homines à Romanis exhaurirentur.

ne grauior usura quàm centesima exigeretur. sed præter amissam sortem certe poenam sanciebat. Cicero lib. Epist. ad Attic. VI.

Gellia & Cornelia de ciuitate. ] Tulere L. Gellius Publicola, Cn. Cornelius Lentulus COSS. Anno DCLXXXI. Vt ciues Rom. sint ij, quos Cn. Pompeius de consilij sententia singulatim ciuitate donauerit. Cicero pro Balbo.

Genutia Aemilia de clauo pangendo. ] Tulere ex S. C. Cn. Genutius, L. Aemilius COSS. Anno CCCXC. Vt, qui Prætor maximus sit, Idibus Septemb. clauum pangat. Liius lib. VII. ubi addit, Legem etate sua fuisse priscis literis uerbisq; scriptam, clauumq; quia rara per ea tempora litera erant, notam numeri annorum fuisse, eoq; Mineruæ templo dicatam legem, quia numerus à Minerva inuentus sit.

Genutia de fœnore. ] Tulit L. Genutius Trib. pl. C. Martio III. Q. u. Seruilio COSS. Anno CDXI. Ne fœnerare liceret. Liius lib. VII.

Genutia de magistratibus. ] Tulit idem Martio, Seruilio COSS. Anno CDXI. Ne quis eundem magistratum intra decem annos caperet, neu duos magistratus uno anno gereret, utiq; liceret, Consules ambos Plebeios creari. Liius lib. VII.

Glitia

**Glitia de testamentis.]** Citatur Caius ad legem Glitiam in l. III. D. De inoff. test. Mendose meo iudicio, quum Glitia non nomen sed cognomen sit, ut ex Fastis intelligitur, ubi M. Claudius Glitia Dictator Anno D IIII. proditur. Videndum igitur an Titia rectius legeretur, quæ de pupillorum rationibus lata est, quo Caij sententia pertinet.

## H

**Horatia Valeria de plebiscitis.]** Tulere L. Valerius, M. Horatius COSS. Anno CCCIII. Ut quod tributim plebs iussisset, populum tene- ret. Liuius lib. III. Dionys. lib. XI. Quod postea lege Hor- tensia, & publica confirmatum est.

**Horatia de magistratibus sacrosanctis.]** Tulit idem. Ut qui Tribunis pl. Aedilibus, Iudicibus no- cuisset, eius caput Ioui sacrum esset: familia ad ædem Ce- reris, Liberi, Liberæq; uenum iret. Liuius libro tertio, Dionys. libro quinto.

**Horatia de Caia Tarratia, uirgine Vesta- li.]** Tulit. Ut certi honores ei tribuantur, in his ut testabilis esset, Ut si quadraginta annos nata sacerdo- tio abire, ac nubere uoluisset, ius ei potestasq; exaugu- randi, atq; nubendi esset: munificentiae & beneficij gra- tia, quod campum Tiberinum, siue Martium populo Ro. condonasset. Gellius lib. VI. cap. VII.

**Hortensia de nundinis.]** Tulit.

Ut nun-  
dine

dine quæ prius erant feriæ, fastæ essent: Vti rustici, qui nundinandi causa in urbem ueniebant, lites componerent. Macrobi. lib. Satur. I. cap. XVI.

Hortensia de plebiscitis.] Tulit Qu. Hortensius Dictator seditionis sedandæ causa creatus Anno CD LXVII. ut in Capitolinis marmoribus notatur. Vt eo iure quod plebs statuisset, omnes Quirites tenerentur: quum antea Patritij non tenerentur. Gellius lib. XV. cap. XXVII. Plin. lib. XVI. cap. X. August. lib. III. De ciuit. Dei, capite XVII. quod postea lege publica confirmatum est.

Hostilia de furtis.] Tulit A. Hostilius Consul cum A. Atilio, Anno DLXXXIII. Vt furti agereliceret eorum nomine, qui apud hostes essent, aut Reipub. causa abessent, quiue in eorum cuius tutela essent. Iustinianus. De ijs per quos ag. poss. Hinc illæ Hostiliane actiones, id est, formulæ apud Ciceronem lib. De orat. I. ubi de militis testamento ageretur.

## I

Cilia de Tribunis pl.] Tulit Sp. Icilius Trib. pl. T. Geganio, P. Minutio COSS. Anno CCLXI.  
 Δημάρχῳ γνώμῳ ἀγορεύοντος ἐν δήμῳ, μηδὲς λεγέτω μηδὲν ὑναντιοῦ, μηδὲ μεσολαβέτω τὸ τὸν λόγον. εἰὰν δ' ἔτις πρὸς ταῦτα ποιήσῃ, διδόντω τοῖς δημάρχοις ἔγγυητὰς, αὐτῆβεις εἰς ἔκτισιν ἢς αὐτῶ ἰδιώσι ζημίας. ὃ ἢ μὴ διδῶς ἔγγυητῶ, δανάτω ζημιώσθω, καὶ τὰ χρεμάτα

ματα αὐτῶν ἱερά ἐσσι. ἢ ἀμφισβητούντων πρὸς  
 τὰς τὰς ζυμίας, αἱ κείσθς ἐσωσαν ὑπὸ τῶν  
 δήμων. id est, Tribunus ad populum concionanti, ne  
 quis contradicito, néue eum interpellato. Qui contra  
 faxit, prædes Tribunis dato se multam quam ipsi irroga  
 bunt soluturum. qui prædes non dederit capital esto: fa=  
 miliâq; eius sacra esto. Si quid erit in multis controuer=  
 sia, populi iudicium esto. Dionys. lib. VII.

[ Icilia de Auentino. ] Tulit L. Icilius Trib. pleb.  
 M. Valerio, Sp. Virginio COSS. Anno CCXVII. Vt A=  
 uentinus mons plebi ad ædificia concederetur. ὅσα  
 μὲν ἰδιωτῶν τινες εἶχον ἐκ δικαίως κτησά=  
 μνοι, τὰυτὰ τὸς κρείσθς κατέχθην. ὅσα δὲ βε=  
 βιασμένοι τινες ἢ λελοπῆ λαβόντες ὠκοδομή=  
 σαντο, κομισαμένους τὰς δαπάνας ἄς αὐτῶν οἱ  
 διατητῶν γινῶσι, τῶν δήμων πρὸς διδόναι. τὰ  
 ἢ ἄλλα ὅσα αὐτῶν ἢ δημόσια, χωρὴν ὠνῆς τοῦ δή=  
 μου πρὸς λαβόντα διελέσθ. Id est, Quæ privati  
 quidam iure quæsitæ, possidebant, ea pro domino possi=  
 derent. quæ uerò uel ui, uel clam accepta ædificijs occu=  
 parant, ea recuperatis impensis quas arbitri statuissent,  
 populo redderent. cetera uerò quæ publica essent, ea po=  
 pulum sine precio recipere & inter se diuidere. Dionys.  
 lib. X. & Lilius lib. III.

[ Iulia Miscella de uidiuis. ] Tulit. Vt ui=  
 diuis ius esset legatum sibi à uiro ea lege ne alteri nube=  
 rent, ita capere, si intra annum iurarent se liberorum  
 quæren=

quærendorum causa uelle nubere. Iustinian. in tractatu de indicta uiduitate, & lege Iulia Miscella tollenda. Cod. VI. tit. XL.

**Iulia de prouincijs.]** Tulit C. Iulius Cæsar Consul cum Bibulo, Vt Achaia, Thessalia, cuncta Græcialiberæ essent, neq; in ijs magistratibus populi Rom. ius dicere liceret. Cicero Pro domo sua in Pison. & de prou. Consul. Item ut magistratibus transeuntibus, eorumq; comitibus scænum aliaq; ab oppidis & uicis subministrarentur. Ad Att. lib. V. & in Pison.

**Iulia agraria.]** Tulit idem. Vt ager Campanus plebi diuideretur. Velleius lib. II.

**Iulia iudiciaria.]** Tulit idem. Vt iudicia ad duo genera iudicum redigerentur, equestris ordinis & senatorij. Tribuni uerò ærarij, quod erat tertium, tollerentur. Suetonius in Cæsare. Meminit Gellius libro XIII. capite secundo.

**Iulia repetundarum.]** Tulit idem. Vt ab ijs exigeretur pecunia, ad quos ea quam is ceperit qui damnatus sit, peruenerit. ut transeuntibus magistratibus eorumq; comitibus scænum aliaq; ab oppidis & uicis subministrarentur. Vt ijdem quum de prouincia decederent, rationes in prouinciæ duabus ciuitatibus quæ ipsis maximè uiderentur relinquerent, & totidem uerbis ad ærarium referrent. In epist. lib. V. ep. XX.

c Iulia

**Iulia de sacerdotijs.] Tullit idem. Vt absentis haberi rationem liceret. Cic. Ep. V. ad Brutum.**

**Iulia de legibus Cæsaris.] Tullit idem. Vt ei qui in suas leges non iurasset, capitale esset. Appianus De bell. ciuil. II.**

**Iulia de fœnore.] Tullit idem. Vt dissecta novarum tabularum expectatione, quæ crebro mouebatur, debitores creditoribus satisfacerent per æstimationem possessionum, quanti quasq; ante ciuile bellum comparassent, deducta summa æris alieni, si quid usuræ nomine numeratum aut perscriptum fuisset: qua cõditione quarta ferè crediti deperibat. Sueton. in C. Cæsare. Cæsar lib. III. De bello ciuili. Eadem de modo credēdi possidendiq; intra Italiam cauebatur. Tacitus lib. V.**

**Iulia de colonijs.] Tullit idem. Vt ager Campanus uiginti millibus ciuū extra sortem diuideretur, eoq; colonia deduceretur. Sueton. Iulio & Augusto.**

**Iulia de ui publica & priuata.] Tullit C. Iulius Octauius Augustus. In eos qui uim armis aut sine armis fecissent. Hoc enim est uim publicam, aut priuatam admittere. Florus Epit. CXX. Sueton. in eius uita. Sed Pauli de hac lege uerba subijci est melius. Lege Iulia, inquit, de ui publica & priuata tenetur, qui quem armatis hominibus possessione, domo, uilla, agroq; deiecerit, expugnauerit, obsederit, clauserit, idue ut fieret, homines com  
modauerit**

modauerit, locauerit, conduxerit, quiue cœtum, concurrum, turbam, seditionem, incendium fecerit, funerari, sepeliriue aliquem prohibuerit, funusue eripuerit, turbauerit. Et qui eum, cui aqua & igni interdictum est, receperit, celauerit, tenuerit. Quiue cum telo in publico fuerit. Temples, portas, aliudue quid publicum armatis obfederit, cinxerit, clauserit, occupauerit. Hanc legem Iuliam publicorum & Iuliam priuatorum appellat Vlp. in l. si præses, XXXII. D. De pœnis.

Iulia maiestatis. ] Tulit idem. Vt ei cuius ope consilio aduersus Imperatorem uel Rempub. arma mota sunt, exercitusue eius in insidias deductus est, quiue iniussu Imperatoris bellum gesserit, delectumue habuerit, exercitum comparauerit, sollicitauerit, deseruerit Imperatorem, aqua & igni interdicator. Tacitus lib. I. & Iurisconsulti tit. ad l. Iuli. maiest. & Paulus sentent. V. cap. XXXI.

Iulia de ambitu. ] Tulit idem. Vt qui petiturus magistratum, uel prouinciam, uel sacerdotium turbam suffragiorum causa conduxerit, seruos aduocauerit, aliamue quam multitudinem cõduxerit, conuictus ut uis publicæ reus in insulam deportetur. Sueton. in Aug. Paulus sentent. V. cap. XXXII. & Iuriscons. in Pand.

Iulia de maritandis ordinibus. ] Tulit idem. Vt priori ex Consulibus fasces sumendi potestas sit, qui plures liberos quam collega, aut in sua potestate habet,

aut bello amisit: sed si par utriq; numerus liberorum es-  
 set, maritus, aut qui in numero maritorum est, præfere-  
 tur. si uerò ambo & mariti & patres totidem liberorum  
 sunt, tum ille pristinus honos instauratus, & qui maior  
 natus est, prior fasces sumit. Gell. lib. II. cap. XV. Ut ne cœ-  
 libes, neue orbi ex ciuium Rom. testamento quicquam ca-  
 perent. l. si is qui hæres, D. De uulg. & pup. l. i. C. De in-  
 fir. poen. cel. & Tertull. in lib. De monagamia. Ut foemi-  
 nis à morte uiri, anni spaciū: à diuortio, sex mensium li-  
 berum à cœlibatus poena obtinerent. Vlpian. tit. XIII.  
 Ut quæ ad cœlibes testamento ciues Rom. peruenirent,  
 eorum pars decima ad ærarium pertineret. Ut si liberta  
 ab inuito patrono diuenteret, alij nubere inuito patrono  
 non posset. Ut iusurandum quod liberto impositum est  
 ne uxorem ducat, ei remittatur. l. VI. §. III. De iure pat.  
 Ne senatores eorumq; liberi, libertinas & quæ ipsæ, qua-  
 rumue pater materue artem ludicram fecerit, item cor-  
 pore quæstum facientium uxorem ducant. Ceteri autem  
 ingenui prohibentur ducere lenam, à lenone lena e ma-  
 numissam, & in adulterio deprehensam, & iudicio pu-  
 blico damnatam, & quæ artem ludicram fecerit.

Julia de uicesima.] Tulit idem. Ut quæ heredi-  
 tates, legata, & donationes mortis causa ad alienos, aut  
 locupletes pertinerent, earum pars uicesima ad fiscum  
 pertineret. Ut testamenta in municipijs, colonijs, oppi-  
 dis, præfectura, uico, castello, conciliabulo facta, in foro  
 uel basilica, presentibus testibus uel honestis uiris, inter  
 horam secundam & decimam diei recitetur, exemploq;  
 sublato

sublato ab iisdem rursus magistratibus obfirmato, quorum presentia constat apertum. Ut testamentum statim post mortem testatoris aperiatur, hoc est, à presentibus intra triduum uel quinq; dies: ab absentibus quoq; intra eos dies, cum superuenerint. Ut testes, uel maxima pars eorum adhibeantur, qui signauerint testamentum, ita ut agnitis signis, rupto lino aperiatur & recitetur, atq; ita describendi exempli fiat potestas, ac deinde signo publico obfirmatum in Archiuum redigatur, ut si quando exemplum eius interciderit, sit unde peti possit. Dio. lib. XXXVIII. & Paul. Sent. III. tit. VI.

**Iulia de iudicijs.]** Tulit idem, qua formam iudiciorum tum publicorum tum priuatorum prescripsit, Gellius lib. XIII. cap. XI. Ut qui nomen alicuius deferret, locum, annum, & mensem, quo crimen admissum erit, designent. l. III. De accusat. Ne inuito denunciatur, ut testimonium dicat aduersus socerum, generum, utrumque priuignum, sobrinum sobrinam, sobrino natum, eosue qui priore gradu sint. item ne liberto ipsius, liberorum eius, parentium, uiri, uxoris. item patroni, patronæ. & ut ne patroni patronæ aduersus liberos, neq; liberti aduersus patronum cogantur testimonium dicere, l. III. D. De testib. Ut inter priuatos qui in iudicem consensissent, iurisdicendi ei iudici potestas esset, l. II. §. I. D. De iudic. Ne minor annis uiginti iudicare cogatur. l. cum lege, XLI. D. De arbit.

**Iulia Caducaria.]** Tulit, opinor, idem, & eiusdem

dem legis hæc duo fuere capita. Vt si nemo sit ad quem bonorum possessio pertinere possit, aut sit quidem, sed ius suum omiserit, bona publicentur. Vlpia. tit. XXVIII. Idem l. III. §. XI. D. De fideic. lib. Quare & si caduca=rijs legibus bona delata sint, idem erit probandum. Sic enim locum hunc nobis restituit Ioan. Cuiatius uir acri ingenio, eximiaq; doctrina præditus. Eandem legem Iuliam significat Iulianus l. XCVI. §. I. De legat. & fid. lib. XXX.

**Iulia de adulterijs.] Tulit idem. Si quis stuprum adulteriumq; faceret, sciens, dolo malo. Suet. in Augusto. & Iurisconsulti tit. Ad leg. Iuli. De adult. Cornelius Tacitus libro secundo.**

**Iulia Theatralis.] Tulit idem. Vt equitibus Romanis quibus ipsis parentibusue equester census unquam fuisset, in quatuordecim ordinibus lege Roscia Theatrali constitutis consistere liceret. Sueton. Aug. Plinius libro XXXIII. cap. II.**

**Iulia sumptuaria.] Tulit idem. Vt profectis diebus ducentos numos in conuiujs consumere liceret: Calendis, Idibus, Nonis, & alijs quibusdam festiuis trecentos, nuptijs autem & repotijs HS. millies. Gellius libro secundo, cap. XXXIII.**

**Iulia de ueneno.] Nominatur à Sueton. in Nerone.**

**Iulia**

**Iulia de ciuitate.]** Tulit Sex. Iulius Cæsar COS. cum L. Martio, Anno DCLXII. Vt ciuitas socijs & Latinis omnibus daretur. Cicero pro Balbo, Gellius libro IIII. cap. III. & Appianus De bell. ciuil. libro primo, & Eutropius.

**Iulia Titia de tutoribus.]** Tulere. Vt prouinciarum præfides mulieribus pupillisue tutores non habentibus, ijs tutores darēt. Iustin. tit. De Attil. tut. & Vlpian. in Instit. tit. XI.

**Iulia de cessione bonorum.]** Tulit. Vt qui æri alieno sine dolo suo malo satisfacere non posset, bonis suis cedendo, liberaretur. l. III. C. Qui bon. ced. poss. & in Cod. Theodosiano. lib. III. tit. Qui bonis ex lege Iulia cedere possint.

**Iulia peculatus.]** Tulit idem. Vt qui publicam pecuniam attrectauerit, surripuerit, mutauerit, seu in usus suos conuerterit, in quadruplum eius pecuniæ quam sustulit, condemnetur. Paul. lib. sent. V. cap. XXIX.

**Iulia de limitibus.]** Tulit. Vt per actuarios limites populo eundi ius esset sicut per uiam publicam. Hyginus in libello, De limitib. constit. Apud Frontinum autem Tiberij Cæs. constitutio legitur, ex qua hæc sumpsimus. Est & aliud monumentum quod non longe ab ædibus uel itinere publico constitutum, id est, iuxta legem Semproniam & Iuliam, quod cardinibus & Decu-

manis constitutum esse monstratur. quod rationem finium recipere uidetur: id est, concurrentium linearum atq; secantium se inuicem, & ordinem in utroq; custodit, limitum rationem discernens.

**Iunia & Licinia, de legibus.]** Tulere D. Iunius, & L. Licinius COSS. Anno ab Vrbe condita, DC=XC I. Vt leges trinundino antè promulgarentur, quàm ad populum ferrentur. Cic. Philipp. V. Epist. ad Att. I. & III. & Vatiniana interrogatione, Pro domo sua.

**Iunia Papiria de ciuitate.]** Tulere D. Iunius Silanus, & Papirius Carbo. Vt ciuitas ijs daretur, qui fœderatis ciuitatibus ascripti fuissent, si tum cum lex ferebatur, in Italia domicilium habuissent, & si sexaginta diebus apud Prætorem essent professi. Cicero pro Archia poeta.

**Iunia Norbana de libertinis.]** Tulere M. Iunius Silanus, L. Norbanus Balbus COSS. Anno DCC=LXXI. Vt si Latinus ciuem Romanam, uel Latinam uxorem duxerit, testatione interposita, quòd liberorum quærendorum causa uxorem duxerit, postèa filio filiaue nato, nataue & anniculo factò, possit apud Prætorem uel Præsidentem prouinciæ causam probare, & fieri ciuis Romanus, tam ipse quàm filius, filiaue eius & uxor, scilicet si & ipsa Latina sit. Vt Latinorum libertinorumq; legitimæ successiones nullæ prorsus essent: sed eorum bona manumissores, tanquam seruorum peculia sibi haberent

rent. Vt liberti ius ciuitatis Rom. non antè haberent,  
quàm ius aureorum annulorum, aut natalium restitutio-  
nem à principe impetrassent: Vlp. in Instit. tit. III. Iustin.  
§. V. De success. lib. Idem Non. LXXVIII.

Iunia de Tribunis pleb.] Vide sacrata.

Iunia de Regio, & Consulari imperio.] Tu-  
lit L. Iunius Brutus Trib. celerum: Anno CCXLIII. Vt  
imperium Tarquinio abrogaretur, ut ipse cum coniuge  
ac liberis, exularet: ut capitale esset si quis de ijs reuocan-  
dis mentionem faceret: ut regio imperio abrogato, Con-  
sules duo regia potestate quotannis comitijs centuriatis  
à populo crearentur. Dionys. lib. III. Liuius lib. I. Ea lex  
à Pomponio in l. II. De orig. iur. Tribunitia nominatur:  
quòd, ut mea fert opinio, à Bruto Tribuno celerum lata  
esset: neq; mihi dubium est quin hanc Festus significet  
lib. XVII. ubi sic scribit, Homo sacer, is est, quem popu-  
lus iudicauit ob maleficium, neq; fas est eum immolari:  
sed qui occidit, parricidij nõ damnatur: nam lege Tribu-  
nitia prima cauetur, si quis eum qui eo plebiscito sacer  
sit, occiderit, parricida ne sit.

Iunia de gente Tarquinia.] Tulit L. Iunius  
Brutus primus Consul, Anno CCXLV. Vt omnes Tar-  
quinia gentis exules essent. Liuius lib. II.

Iunia Petronia de libertate.] Tulere C. Iunius  
Cæsonius, Petronius Turpilianus. COSS. Anno DCCC=

XIII. Vt si dissonantes facēs iudicium existant, sententiæ pro libertate pronuncietur. Hermogen. l. XXXIII. D. De manum. uind. Ab eodem quoq; Petronio lex Petronia de seruis infra suo loco numeratur.

## L

**L** Abiena de sacerdotijs. ] Tulit T. Labienus Trib. pl. Cicerone, Antonio COSS. Anno DCXC. Vt ius creandorum sacerdotum penes collegia esset ex ueteri lege Domitia, quam lex Cornelia abrogauerat. Dio lib. XXXVII.

Lætoria de minoribus. ] Tulit. Vt ijs qui uel furiosi, uel prodigi essent, curatores darentur: qui eos circumscrisissent, ad iudicium publicum uocarentur. Cicero De offic. III. De nat. deorum III. & Capitol. in Anton. Philos.

Licina & Mutia de peregrinis. ] Tulere L. Licinius Crassus, & Qu. Mutius Scauola COSS. Anno DCLVIII. Vt socij Latini, Romanæ ciuitatis iure priuati, suas in ciuitates redigerentur. Ascon. in Cornelianam, & pro Scauro. Cicero in Bruto, & lib. De offic. III. De orat. II. Corn. Balbo, & pro Sextio. Appian. lib. I.

Licina agraria. ] Tulit C. Licinius Stolo Tribus pl. Aemilio, Valerio, & c. Tribun. mil. Anno CCC LXXIX. Ne quis plus quingenta iugera agri, centum pecoris maioris capita, quingenta minoris possideret. Liius lib. VI. Appian. De bellis ciuilib. I. Gellius libro

XX. cap. I. Valerius lib. VIII. cap. VI. Plinius lib. XVIII. cap. III. Velleius lib. XI.

Licina de fœnore. ] Tulit idem Furio, Clœlio, & c. Trib. mil. Anno CCCLXXVIII. Vt deducto eo de capite, quod usuris pernumeratum esset, id quod superesset, triennio æquis portionibus persolueretur. Liuius libro sexto.

Licina de magistratib. è plebe creandis. ] Tulit idem. Ne Tribunorum militum comitia fierent, sed Consulum, & utiq; alter ex plebe crearetur. Liuius libro sexto.

Licina sumptuaria. ] Tulit P. Licinius Crassus Diues COS. cum Cn. Lentulo, Anno DCLVI. Vt Calendis, Nonis, nundinis Romanis, cuiq; in dies singulos triginta duntaxat asses edundi causa consumere liceret. nuptijs duceños. cæteris uerò diebus, qui excepti nõ essent, tricenos: quum & carnis aridæ pondo tria, & salsamentorum pondo libram concederet. quod autem è terra, uite, arboræue natum esset, id impunè consumere liceret. Macrob. lib. III. cap. XVII. Gell. lib. II. cap. XXIII. Et Festus, Centenariæ cœnæ dicebantur, in quas lege Licinia non plus centussibus præter terræ nata impendebantur, id est, centum assibus, qui erant breues numi ex ære.

Licina de communi diuidundo. ] Tulit L. Licinius Crassus COSS. cum Qu. Mutio Scauola.  
Fragment

Fragment. Rom. antiquit. & Martianus l. ult. D. De ~~de~~  
 lien. mut. iud. cau.

Licina Cassia de bello Persei.] Tulere Lici-  
 nius, Cassius COSS. Anno DXXXII. Vt quòd Perseus  
 Philippi filius Macedonum rex aduersus fœdus cum pa-  
 tre Philippo ictum, & secum post mortem eius renoua-  
 tum, socijs populi Ro. arma intulisset, agros uastasset, ur-  
 besq; occupasset, quodq; belli parandi aduersus popu-  
 lum Rom. consilia inisset, arma, milites, classent eius rei  
 causa comparasset: ut nisi de ijs rebus satisfecisset, bellum  
 cum eo iniretur. Liuius lib. XLII.

Licina Cassia de Tribunis militum.] Tu-  
 lere ijdem COSS. Ne Tribuni militum eo anno suffra-  
 gij crearentur, sed Consulum Prætorumq; in ijs facièn-  
 dis iudicium arbitriumq; esset. Liuius lib. XLII.

Licina de ludis Apollinaribus.] Tulit P.  
 Licinius Varus Prætor Urb. Claudio, Quintio COSS.  
 Anno DXLV. Vt ludi Apollinares qui die incerta fie-  
 bant, in perpetuum in statam diem uouerentur. itaq; ipse  
 primus ita uouit, fecitq; ante diem tertium nonas Quin-  
 tiles. is dies deinde solennis seruatus. Liuius lib. XXVII.

Licina de sodalitijs.] Nominatur à Cicerone  
 in Orat. pro Plantio, & lib. Famil. ep. VIII.

Licina, Ebutia de legumlatoribus.] Tu-  
 lere.

lère. Vt ne ei qui legem de curatione potestateve aliqua tulerit, eiusve collegis, cognatis, affinibus ea potestas curatione mandaretur. Cicero in Orat. XI. contra Rullum. & in orat. Pro domo sua.

Liuvia iudiciaria. ] Tulit M. Liuius Drusus Trib. pl. L. Martio, Sex. Iulio COSS. Anno DCLXII. Vt equa parte iudicia penes Senatum & equestrem ordinem essent. Ascon. in Cornelian. Cicero De orat. III. Florus in epit. LXXI. Appianus autem rem sic explicat. τῶν βασιλευτῶν ἴσα τὰς σάσφς τότε ὄντων μόλις ἀμφὶ τῶν τριακισίων, τοσούτοις ἐτέρους ἀπο τοῖς ἀρχαῖς ἰπέων εἰσηγάτο ἀριστίνδῳ πρὸ καταλελυῶαι, καὶ ἐκ τῶν δὲ πάντων ἐς τὸ μέλλου ἐν τὰ δικαστήρια. ὕβριδας τε ἐπ' αὐτῶν γίνεσθαι δωροδοκίας πρὸς ἐγραφῶν. ἐγκλίματ' ἴσα δ' ἢ καὶ ἀγνοουμένη, ἴσα τὸ ἐδοθῆ, τῆς δωροδοκίας ἀνέδῳ ὑποπολαζέσης.

Quum per id tempus propter superiores seditiones uix trecenti senatores essent, totidem ex equestri ordine arbitrato bonorum uirorum delectos ipsis adiunxit, uti deinceps ex hisce omnibus iudices legerentur: utiq; de pecunia ob rem iudicandam accepta causam dicere cogentur, quod crimen consuetudine iam pro nullo numerabatur, quū largitiones sine ullo pudore increbuisent. Hæc ille lib. De bell. ciuilib. I.

Liuvia agraria. ] Tulit idem. Vt Sempronie leges de agris populo diuidendis ualere.

Liuvia

Liua frumentaria. ] Tulit idem. Vt Sempronia lex de frumento plebi ex publico uiritim dando ualeret.

Liua de colonijs diducendis. ] Tulit idem. Vt lex Sempronia ea de re ualeret.

Liua de socijs. ] Tulit idem. Vt socijs omnibus ius ciuitatis Romanæ daretur: quod ante ipsum M. Fuluius Fla. COS. tentarat. Liuius tamen in perferenda lege occisus est. Appianus, De bell. ciuil. I. Florus, & Cicero De legib. III.

Lutatia de ui publica. ] Tulit Qu. Lutatius Catulus COS. cum C. Mario. Anno DCLI. Vt de seditiosis consceleratisq; ciuibus, qui armati Senatum obsederint, magistratibus uim attulerint, Remp. oppugnarint, quotidie etiam diebus festis ludisq; publicis quæreretur. Cicero pro Cælio.

## M

**M**amilia de terminis. ] Eius aliquot locis mentio fit in libro De agrorum conditionibus, constatq; ex Aggeno Urbico & lib. Cic. De legib. II. eam in finibus agrorum quinque aut sex pedum latitudinem præscripsisse, quos usucapi uetaret. In libello uero Variorum autorum eidem uolumini subiecto, Mamilia, Roscia, Peducea, Alliena, Fauia nominantur: sed capita trium duntaxat postremarum legum referuntur: quia neq; de quinque pedum præscriptione metio ulla fit: hæ notæ K. L. III. item III. & V. caput legis ter-

tie

*tiæ, quartæ, & quintæ subscribi tantum significant: quas suum in locum referemus.*

**Mamilla de senatoribus à Iugurtha corruptis.]** Tulit G. Mamillus Limentanus Trib. pl. Sp. Postumio, Qu. Minutio COSS. Anno DCXLIII. Vti quæreretur in eos, quorum consilio Iugurtha Senatus decreta neglexisset, quiq; ab eo in Legationibus aut imperijs pecunias accepissent, qui elephantos, quiq; perfugas tradidissent, item qui de pace aut bello cum hostibus pactiones fecissent. Sallust. Iugurth.

**Mania.]** Vide Menia.

**Manilia de bello Mithridatico.]** Tulit C. Manilius Tribun. pl. M. Lepido, L. Volcatio COSS. Anno Vt belli Mithridatici administratio Cn. Pompeio mandaretur. Prouincia uniuersa cui Lucullus præfuerat, omneq; ipsius imperium, exercitus, & copiæ Pompeio mandarentur: & hoc amplius Bithynia adiungeretur, cui Glabrio præerat: classis item & copiæ omnes maritimæ quas ipse initio belli Piratici habuerat: omnes præterea prouinciæ, quibus solis Lege Gabinia non præfuerat, Phrygia, Lycaonia, Galatia, Cappadocia, Cilicia, Colchis superior, & Armenia. Cic. Pro lege Manilia, Plutarchus in Pompeio, Appianus in Mithridat. Florus epit. C.

**Manilianæ leges uenaliū uēdendorū.]**

Ab

Ab Antonio dicuntur in lib. De orat. L. pro Cautiones. ut apud Catonem Lex uini uendendi, oleæ faciendæ.

Manlia de sacerdotijs. ] Tulit P. Manlius Trib. pleb. L. Furio, M. Claudio Marcello COSS. Ut propter sacrificiorum multitudinem Tresuiri Epulones creare et tur: quum essent ipsi à Numa, ut etiam ludorum illud epulare sacrificium facerent, instituti. Ius præterea togæ prætextæ habendæ, item ut Pontifici, illis esset. Cicero De orat. III. Liius XXXIII. Vbi tamen T. Romuleius legitur: quod Car. Sigonius ex coniectura emendauit.

Manlia de uicesima. ] Tulit Cn. Manlius COS. cum C. Martio, Anno CCCXCVI. Ut ij qui manumitterentur, fortunarum suarum uicesimam ærario darent. Liius libro VII.

Manlia de Mario. ] Tulit L. Manlius Trib. pl. C. Mario, L. Cassio COSS. Anno DCXLVI. Ut eidem C. Mario prouincia Numidia mandaretur.

Martia Atinia de pace Macedonica. ] Tulere Qu. Martius, C. Atinius Tribuni pleb. Vellent iubere ne cum rege Philippo pacem esse omnes quinq; et triginta tribus, uti rogas, iusserunt. Liius libro tricesimo tertio.

Marcia de Statellis. ] Tulere M. Martius Sermo, et Qu. Martius Sylla Tribuni pleb. Popillio, Aelio COSS.

COSS. Anno DXXCI. Ut qui ex Statellis (Liguriae populis) deditis in libertatem restitutus ante Kalendas Sextiles primas non esset, cuius dolo malo is in seruitutem uenisset, ut iuratus Senatus decerneret, qui eam rem quaereret, animaduerneretq;. Linius lib. XLII.

Maria de suffragiis. ] Tulit C. Marius Tribun. pl. L. Cecilio, L. Cotta COSS. Anno DCXXXIII. Ut pontes per quos suffragia in comitijs ferebantur angustiores fierent, ne quis illic qui suffragium ferret consistere posset ad appellandum rogandumq;. Cicero de legib. III. Plutarch. in Mario.

Maria de re numaria. ] Tulit M. Marius Gracidianus Praetor L. Sylla Dictatore. Ut numi probarentur. Iactabatur enim temporibus illis numus sic ut nemo scire posset quid haberet. Cicero De offic. III. Plinius lib. XXXIII. cap. IX.

Memmia de Iugurtha, Romam euocando. ] Tulit C. Memmius Trib. pl. P. Scipione Nasica, L. Bestia Calpurnio COSS. Anno DCXLII. Vti L. Cassius Praetor ad Iugurtham mitteretur, eumq; interposita fide publica Romam duceret, quo facilius iudicio regis, Scauri & reliquorum, quos pecuniae captae arcesserant, delicta patefierent. Sallust. De bello Iugurth.

Memmia de reis postulandis. ] Tulit.  
Ut eorum qui Reip. causa abessent nomina ne in reos reciperentur

d

ciperentur. Vt calumniatoribus pœna constituto iudicio imponeretur. Val. Max. lib. III. cap. VII. Cicero pro Sex. Roscio. Papinian. l. XIII. De testib. l. I. §. I. Ad S. C. Turpil. Legitur tamen Remmia.

Menenia Sextia de multa. ] Tulere T. Menenius, P. Sextius COSS. Anno CCCI. Autor Festus lib. XIII. cuius uerba sic opinor, legenda sunt, Peculatus furtum publicum dici cœptum est à Pecore: quia ab eo initium eius fraudis esse cœpit. siquidem ante æs aut argentum signatum ob delicta pœna grauisima erat duarum ouium, & triginta bouum. quæ pecudes postquam ære signato uti cœpit populus Rom. Tarpeia lege cautum est, Vt bos centussis, ouis decussis æstimaretur. Eam legem sanxere T. Menenius Lanatus, & P. Sextius Capiolinus COSS.

Menia de autoritate patrum. ] Nominatur à Cicerone in libro De claris orat. Eaquæ uidetur esse quæ apud Festum lib. XIII. Minia nominatur in dictione Prorsus: & apud Nonium fortasse, in uoce sugillare, ubi ait, Sugillare, occludere. Varro Geminis, Contra lex Mania est in pietate, ne filij patribus luci clara sugillarent oculos.

Mensia de ciuitate. ] Tulit. Vt ex alterutro peregrino natus, deterioris parentis conditionem sequatur. Vlp. Instit. tit. V. Et hanc Vlpianus in l. lex natura, XXIII. De stat. hom. specialem legem intelligit.

Minu-

Minutia.] Meminit Festus libro XIII. in uoce  
Osi sunt.

Muneralis lex uocata est, qua Cincius cauit, ne  
cui liceret munus accipere. Festus, qui Plauti uersus ci-  
tat quos in Cincia retulimus.

O

Ogulnia de sacerdotijs.] Tulere Qu. &  
Cn. Ogulnij Trib. pl. M. Valerio, Qu. Appuleio  
COSS. Anno CDLIII. Ut cum quatuor Au-  
gures, quatuor Pontifices ea tempestate essent, place-  
retq; augeri sacerdotum numerum, quatuor Pontifices,  
quinq; Augures, de plebe omnes adlegerentur. Liuius  
libro decimo.

Oppia de matronarum cultu.] Tulit C. Op-  
pius Trib. pl. Qu. Fabio, T. Sempronio COSS. Anno  
DXL. Ne qua mulier plus semuncia auri haberet: neu  
uestimento uersicolori uteretur: neu iuncto uehiculo in  
urbe oppidouae, aut propius inde mille passus, nisi sacro-  
rum publicorum causa ueheretur. Liuius lib. XXXIII.  
Tacitus lib. III.

Optima lex, quum nominabatur in magistro po-  
puli faciendo, qui uulgo Dictator appellatur, quam ple-  
nissimum posset ius esse significabatur. Ut fuit M. Valerij  
Marci filij Volusii nepotis, qui primus magister populi  
creatus est. Postquam uero prouocatio ab eo magistratus

ad populum data est, quæ antea non erat, desitum est dici, Vt optima lege. utpote imminuto iure posteriorum magistratum. Hæc Festus. Idem alibi, In magistro populi faciendo, qui uulgò Dictator appellatur, quam plenissimum posset ius esse significabatur. Postquam uerò prouocatio ab eo magistratu ad populum data est, quæ antea non erat: desitum est dici, Vt optima lege: utpote imminuto iure priorum magistrorum. Hactenus Festus.

Orchia de numero conuiuiarum.] Tulit C. Orchius Trib. pleb. Qu. Fabio, M. Claudio, COSS. Anno DLXX. Macrob. lib. III. cap. XVII. Festus libro XIII. Obsonitauere.

## P

**P**apia Poppæa de procreandis liberis.] Tulere M. Papius Mutilus, Qu. Poppæus Secundus, COSS. Augusto Imperatore: ut constat ex Dione, apud quem Popilius legitur, pro Poppæus. Vt quæ ad orbos testamento ciuis Rom. peruenirent, eorum pars decima ad fiscum pertineret. Vt ne quinquaginta annis minor sexagenario nuberet. aut uir hac ætate iunior quinquagenariam foeminam nē acciperet in uxorem. Tacitus lib. III. Et Iurisconsulti tit. De ritu nupt. & De uulg. substitut. & De iur. patron. & alijs locis innumeris.

Papia de socijs.] Tulit. Vt peregrini urbe Roma expellerentur. Vt iudicium socijs & ciuitatibus extenis constitueretur, repetendi eius causa qui in ciuitatis

tatis Romanæ censum irrepsissent. Cicero De offic. III.  
Pro Balbo, Pro Archia. Valer. lib. III. cap. III.

Papia de iure patronatus. ] Tulit idem. Ut ex bonis eius qui HS. centum millium patrimonium reliquerat, & pauciores quàm tres liberos habebat, siue is testamento factò, siue intestatus mortuus erat: uirilis pars patrono deberetur. Itaq; quum unum quidem filium hæredem reliquerat libertus, perinde pars dimidia debebatur patrono, ac si is sine ullo filio intestatus decessisset: quum uerò duos hæredes reliquerat, tertia pars debebatur patrono: si tres reliquerat, repellebatur patronus. Item, Ut libertus qui duos liberos in potestate haberet, operarum obligatione liberaretur. Iustin. §. I. De success. libert. Et in Pand. locis compluribus.

Papiria Iulia de multarum æstimatione. ]

Tulere L. Papirius, L. Iulius COSS. Anno CCCXXIII.  
Luius lib. III. uide Ateria.

Papiria de re numaria. ] Tulit, opinor, L. Papirius Trib. pl. Ut asses essent semunciales. Plinius libro XXXIII. cap. III. Hanc autem à Festo libro XVII. in uoce sesterties nominari, mihi non est dubium: tamen si corruptus locus optimi scriptoris sententiam obscuret.

Papiria de suffragiis. ] Tulit C. Papirius Carbo Tribun. pleb. C. Sempronio, M. Aquilio COSS. Anno DCXXIII. Ut in iubendis legibus aut uetan-

dis populus tabella suffragium ferret. Cic. De legib. III.

Papiria de consecratione. ] Tulit idem. Ne in=  
iussu plebis ædes, terram, aram consecrare liceret. Cice=  
ro Pro domo sua.

Pedia de ui. ] Tulit Qu. Pedius CONS. cum Au=  
gusto Cesare Anno DCCXI. Vt qui C. Cesaris cædis  
autores essent, iudicio constituto rei fierent, & damnatis  
aqua & igni interdiceretur. Appian. lib. De bello ciui=  
li III. Sueton. Nerone, & Galba. Velleius lib. II.

Peduca de incestu. ] Nominatur à Cicerone,  
De nat. deor. III.

Peduca de terminis. ] Tulit. In libello  
Variorum autorum De agrorum conditionibus his edi=  
ta est uerbis, quæ tamen aliqua ex parte correximus.  
Que colonia hac lege deducta, quòdque municipiū, præ=  
fectura, forum, conciliabulum constitutum erit, qui ager  
intra fines eorum erit, si termini in eo agro statuti non  
erunt, quo in loco terminus non extabit, in eo loco is cu=  
ius is ager erit, terminum destituendum curato: utq; rectè  
factū esse uelit, magistratus qui in ea colonia, municipio,  
præfectura, foro, conciliabulo iure dicundo præerit, fa=  
cito ut fiat.

Pesulania de damno à canibus illata. ] Tu=  
lit. Vt si canis pauperiem fecerit, damnūm ue de=  
derit

derit, in dominum actio detur, ut aut damni aestimatio-  
nem subeat, aut canem noxae dedat. Paulus Sentent. li-  
bro I. cap. XV.

Petillia de peculatu. ] Tulit Qu. Petillius Tri-  
bunus pl. Aemilio, Flaminio COSS. Anno DLXVI.  
Vellent, iuberent, quaeratur, quae pecunia capta, ablata,  
coacta ab rege Antiocho est, quiq; sub eius imperio fue-  
runt: quod eius in publicum relatum non est, uti de ea re  
Ser. Sulpitius Praetor urb. ad senatum referat. Omnes tri-  
bus uti rogas iusserunt. Liius lib. XXXVIII.

Petronia de seruis. ] Tulit, opinor, Petronius  
Turpilianus COS. Anno DCCCXIII. Ne dominis po-  
testas esset ad bestias depugnandas suo arbitratu seruos  
tradere, ut ei qui iure uiri delatum adulterium non per-  
egisset, nunquam postea deferre hoc crimen permittere-  
tur. Modestinus l. XI. D. ad leg. Cor. De sicar. Impp. l.  
XVI. C. ad leg. Iul. De adult. Ab eodem Petronio & col-  
lega Iunio supra Iunia Petronia numerata est.

Petronia de peregrinis. ] Tulit. Vt pere-  
grini urbe Roma expellerentur. Cicero lib. De offic. III.  
Hanc, opinor, Festus lib. XVI. in uoce Respublicas eo lo-  
co significat, ubi nunc P. Ennij de peregrinis corrupte,  
meo iudicio, legitur.

Pinaria de ambitu. ] Tulit, L. Pinarius Trib. mi-  
lit. cum collegis. Anno CCCXXII. Ne cui album uesti-  
mentum

mentum addere petitionis causa liceret. *Liuius lib. III.*  
*Lex tamen non tenuit, ut ex omnium temporum consue-*  
*tudine intelligitur.*

**Plautia iudiciaria.]** Tulit M. Plautius Silanus  
 Tribun. pleb. Cn Pompeio Strabone, L. Portio Catone  
 COSS. Anno DCLXIII. secundo anno belli Italici,  
 quum equester ordo in iudicijs dominaretur, ut tribus  
 singuli ex eo numero quinos denos suffragio crearent,  
 qui eo anno iudicarent. ex eo factum est, ut senatores  
 quoq; in eo numero essent, & quidam etiam ex ipsa ple=  
 be. Tum primum Senatores cum equitibus Rom. iudi=  
 carunt. Cicero in Orat. pro Cornelio, & Afcon. Ex quo  
 intelligitur, quum equites soli iudicarent, XXXV. tri=  
 bus dedisse singulas iudices XV. itaq; iudices CCCCL.  
 fuerunt: & iudicia inter tres ordines, senatorium, eque=  
 stem, & plebeium communicata sunt.

**Plautia de ui publica.]** Tulit idem. Meminit  
 Cicero, De respons. aruf. pro Milone. Lib. epist. ad Qu.  
 Fratrem XI. & ad Att. III. Sallust. in Catil. Afcon. in Mi  
 lon. & Coelius ad Ciceronem lib. ep. VIII.

**Pletoria.]** Vide Letoria.

**Plotia de exulibus.]** Tulit Plotius Tribun. pl.  
 Ut qui Lepidum ciuili bello secuti, post necem COS. ad  
 Sertorium confugerant, impunè in ciuitatem redirent.  
*Sueton. Casare. Gell. lib. XIII. cap. III.*

Poetelia

**Pœtelia de ambitu prima.** ] Tulit C. Pœtelius Trib. pleb. C. Fabio, & C. Plantio COSS. Anno CCC= XCV. Vt ne ambiendi magistratus causa nundinas & conciliabula obire liceret. *Liuius lib. VII.*

**Pœtilia, Papiria de nexu.** ] Tulere C. Pœtilius, L. Papirius COSS. Anno CDXXVII. Ne quis nisi qui noxam meruisset, donec poenam lueret, in compedibus, aut in neruo teneretur: pecuniæ creditæ bona debitoris, non corpus obnoxium esset. & ne quis in posturum neceretur. *Liuius lib. VIII.*

**Pompeia de prouincijs.** ] Tulit Cn. Pompeius COS. cum Qu. Cæcilio. Anno VI in alterum quinquennium prorogaretur. Dio libro XXXVIII. & Plutarch. in Vit. qui tamen, Quadriennium scribit.

**Pompeia iudiciaria.** ] Tulit idem. Vt amplissimo ex censu, ex centurijs, aliter quàm antea, lecti iudices, ex tribus tamen ordinibus quibus Aurelia lege communicata erant iudicia, Senatorio scilicet, equestri, & Tribunis ærarij, res iudicarent. Cicero in Pisonem, & Ascon. in eandem.

**Pompeia de parricidijs.** ] Tulit idem, Vt qui cognatos uel affines, qui parentum liberorumue nomine continentur, fratremue aut sororem necasset, is (sic enim legendum arbitror) uirgis saligneis uerberatus, in  
d 5 culeum

culeum insueretur cum cane, gallo gallinaceo, uipera, & simia. deinde in mare uel profluentem proijceretur. Modestinus l. IX. D. Ad leg. pomp. de parricid. Vbi tamen ait more maiorum eam fuisse constitutam poenam: quod falsum est, si maiores ab eo tempore repetamus, quo Cicero Sex. Roscium defendit. neq; enim id erat Cicero prætermisurus, quum de solo culeo loquatur. ac uereor ne quid à Treboniano eo in loco sit commissum. Iuuenalis autem de serpente & simia etiam loquitur. Constantinus uero in l. I. C. De parricid. canē & gallum gallinaceum adiecisse uidetur: quæ tamen omnia Iustinianus legi Pompeiæ in Institutionibus attribuit. Ut sit, hoc opinor Pompeium instituisse, ut quum antea Prætor certus ac proprius non esset, qui de parricidis ius diceret, sed lege Cornelia qui inter sicarios quæreret, de ijs quoq; quæreret (quemadmodum ex Rosciana intelligitur) deinceps certus huius criminis quæsitore esset, nam quod ait Vlp. in l. I. D. De parricid. lege Pompeia eandem poenam parricidis esse constitutam, quæ teste Cornelia De sicarijs, sic accipiendum est, quæ lex Cornelia ad parricidas pertinebat.

Pompeia de ui & ambitu. ] Tulit idem Consul solus creatus Anno DCXCVIII. Ut priusquam causa ageretur, testes per triduum audirentur, dicta eorum iudices consignarent, quarta die adesse omnes in diem posterum iuberentur, ac coram accusatore ac reo pile, in quibus nomina iudicum inscripta essent, æquarentur: dein rursus postera die sortitio fieret unius & LXXX. qui

qui numerus cum sorte obtigisset, ipsi protinus sessum i-  
rent: tum ad dicendum accusator duas horas, reus tres  
haberet, reusq; eodem die illo iudicaretur: prius autem  
quam sententiæ ferrentur, quinos ex singulis ordinibus  
accusator, totidem reus reijceret, ita ut numerus iudi-  
cum relinqueretur, qui sententias ferrent, quinquaginta  
& unus. Ascon. in Miloniana argumento.

Pompeia de pecunijs ob rem iudicandam  
captis.] Tulit idem, eodem anno. Ut de ijs qui à secun-  
do suo Consulatu ad hunc usq; diem ob rem iudicandam  
pecunias cepissent, quaestio constitueretur. Appian. De  
bello ciuil. lib. II.

Pompeia de magistratib. Bithyniorum.]  
Tulit idem. Ne quis capiat magistratum, neue sit in sena-  
tu minor annorum XXX. Ut qui ceperint magistra-  
tum, sint in senatu. Plinius Cæcilius lib. epist. X. epist.  
LXXXIII. & CXVII.

Porcia de iure ciuitatis.] Tulit M. Porcius Tri-  
bunus pleb. Valerio, Appuleio COSS. Anno CDLIII.  
Ne quis magistratus ciuem Rom. uirgis cæderet, neca-  
retue: sed damnato exilium permetteret: quum antea nu-  
dorum ceruix infereretur furca, corpus uirgis ad necem  
cæderetur. Liuius lib. X. Cic. pro Rabirio perduell. Sal-  
lust. in Catil. Sueton. in Nerone.

Publicia de lusu.] Tulit.

Ne quis in pe-  
cuniam

cuniam luderet, sponſionemue in ludo niſi qui uirtutis cauſa ſuſceptus eſſet, faceret. Martianus l. III. D. De aleator.

Publilia de plebeijs magiſtratibus. ] Tulit Volero Publilius Philo Trib. pl. Claudio, & Quinctio COSS. Anno CCLXXXII. Vt plebeij magiſtratus qui ante à curiatis comitijs fiebant, deinceps remotis patribus tributis comitijs crearentur. Liius lib. XI. Dionys. lib. IX. apud quem tamen πτόπλι & Βολέριε legitur pro πτόπλι & . nam Volero prænomen, Publilius nomen fuit. ut non Volenoria, ſed Publilia lex dicenda ſit. in quo pleriq; decepti ſunt.

Publilia de legibus & cenſoribus. ] Tulit Qu. Publilius Philo Dictator, Anno CCCCXIII. Vt plebiſcita omnes Quirites tenerent: Vt legum quæ comitijs centuriatis ferrentur, ante initum ſuffragium patres auctores fierent: ut alter utiq; ex plebe, quum eò uentum ſit, ut utrunq; plebeium Conſulem fieri liceret, Cenſor crearetur. Liius lib. VIII.

Pupia de Senatu habendo. ] Tulit. Ne diebus comitialibus ſenatus haberetur. Cicero epiſt. ad Lentulum IIII. ad Qu. Fratrem, libro II. epiſt. XI. & Cælius VIII. epiſt. ad Ciceronem. Vbi hac lege ſolutos magiſtratus ſcribit.

Regia

## R

**R**egia de unius imperio. ] Lata est incunte regnum Romulo, qua populus omnem ei potestatem in se concessit. Liuius lib. XXXIII. Ex utro tandem genere ea lex esse uidetur, quam abrogamus? an uetus Regia lex, simul cum ipsa urbe nata? Quum autem annis amplius D. florente populi Ro. libertate, sopita fuisset, postea D. Augusti & Tiberij dominatu, qui legibus soluti sunt, excitata, subtilius & copiosius quam antea perscripta est. & quo quisq; die successores demortuorum imperium excipiebant, recitari solebat. quemadmodum ex his eius reliquijs intelligitur, quæ Romæ inuenta dignissimæ uisæ sunt, quæ hunc in locum referrentur. Fœdusue cum quibus uolet facere liceat, ita uti licuit Diuo Aug. Ti. Iulio Cesari Aug. Tiberioq; Claudio Cesari Aug. Germanico.

Vtiq; ei senatum habere, relationem facere, remittere Senatusconsulta per relationem discessionemq; facere. Liceat ita uti licuit Diuo Aug. Ti. Iulio Cesari Augusto. Ti. Claudio Cesari Augusto Germanico. Vtique cum ex uoluntate autoritateue, iussu mandatuue eius presentēue eo Senatus habebitur, omnium rerū ius perinde habeatur seruetur, ac si è lege Senatus edictus esset habereturue. Vtiq; quos magistratum potestatem imperium, curationemue cuius rei petentes Senatui populoq; Romano commendauerit, quibusue suffragationem suam dederit, promiserit, eorum comitijs quibusq; extra ordinem ratio habeatur. Vtiq; ei fines poterij proferre, promouere, cum ex Republica censebit esse

esse, liceat, ita uti licuit Ti. Claudio Cesari Aug. Germanico. Vtiq; quaecunq; ex usu Reipublicæ, maiestate diuinarum, humanarum, publicarum, priuatarumq; rerum esse censebit ei agere, facere, ius potestasq; sit, ita uti Diuo Aug. Tiberioq; Iulio Ces. Aug. Tiberioq; Claudio Ces. Aug. Germanico fuit. Vtiq; quibus legib. plebisue scitis scriptū fuit, ne Dimus Aug. Tiberiusue Iulius Cesar Aug. Tiberiusue Claud. Cesar Aug. German. teneantur ijs legibus, plebisq; scitis, Imp. Cesar Vespasia. solutus sit: quæq; ex quaq; lege rogatione diuum August. Tiberiumue Iulium Cesarem Aug. Tiberiumue Claudium Cesarem Aug. Germanicum facere oportuit, ea omnia Imp. Cesari Vespasiano Aug. facere liceat.

Vtiq; quæ ante hanc legem rogatam acta, gesta, decreta, imperata, ab Imperatore Cesare Vespasiano August. iussu mandatūue eius à quoque sunt, ea perinde iusta rataq; sint, ac si populi plebisue iussu acta essent.

## SANCTIO.

Si quis huiusce legis ergo aduersus leges rogationes, plebisue scita, senatusue consulta fecit, fecerit, siue quodcum ex lege, rogatione, plebisue scito. S. V. E. C. facere oportebit, nõ fecerit huius legis ergo, id ei ne fraudi esto, neue quid ob eam rem populo dare debeto, neue cui de ea re actio, neue iudicatio esto, neue quis de ea re apud \* ci finito. Hæc ex antiquis monumentis. Vlpianus autem in l. l. d. De constit. prim. hanc legem significat, quum ita scribit, Quod principi placuit, legis habet uigorem: Vtpote quum lege Regia, quæ de imperio eius lata est, populus ei et in eum omne suum imperium

imperium & potestatem conferat. Quod Iustin. totidem  
uerbis in tit. De iur. nat. & gent. transscripsit.

Regia de mortuo inferendo.] Tullit.

Ne mulier quæ prægnās mortua sit, humetur antequam  
partus ei excidatur. qui contra fecerit, spem animantis  
cum grauida peremisse uideatur. Martianus l. II. D. De  
mort. infer. Hanc autem legem superioris partem fuisse,  
ridiculum est dicere. tametsi eius autorem nominare dif-  
ficile est, quum satis constet Regis uerbum cognomen fu-  
isse, non nomen: leges autem ex nominibus appellatio-  
nem sumpsisse. Existimarem igitur Romuli aut Numæ  
Pompilij legis alicuius, de qua Martianus antea disputa-  
rat, partem hanc fuisse: quum præsertim ad sacra hæc  
lex pertineat, de quibus quæ leges à Numa cõstituta fue-  
rant, semper obseruatae sunt.

Remmia.] Vide Memmia.

Rhodia de iactu.] Latam, opinor, à Rhodijs, &  
à Cesaribus receptam. Ut si leuanda nauis gratia iactus  
mercium factus est, omnium contributione sarciatur,  
quod pro omnibus datum est. Paulus l. I. D. De le-  
ge Rhodia.

Romuleia de sacerdotijs.] Vide Manlia.

Roscia Theatralis.] Tullit L. Roscius Otho Tr.  
pleb. L. Metello, Qu. Martio COSS. An. DCLXXXII.

64 DE LEGIBVS

Vt in theatro Equitibus Romanis, qui HS. quadringenta possiderent, XIII. gradus proximi spectandi gratia assignarentur. Asconius in Cornelianam. Flor. epitom. XCIX. Tacitus lib. XV. Plin. lib. VII. cap. XX. Iuuenal. Sat. XIII. Vt decoctoribus certus in theatro locus ab alijs distinctus esset. Cic. Philipp. XI.

Roscia de terminis.] Eius caput in libro Variorum autorum De agrorum conditionibus amissum putatur: ut in Mamilia lege exposui.

Rupilia de iure Siculorum.] Tulit P. Rupilius Consul, post bellum prædonum ac fugitiuorum a se confectum in Sicilia de decem legatorum sententia leges Siculis dedit. Cicero Verrina III. Ascon. in eandem. Valerius Max. lib. VI. cap. X. apud quem tamen Rutilius perperam legitur.

Rutilia de trib. militum.] Tulit C. Rutilius Rufus. Festus, Rufuli appellabantur Tribuni militum à consule facti, non à populo, de quorum iure, quod Rutilius Rufus legē tulerit, Rufuli, ac post Rutuli sunt appellati.

S

Sacrata militaris] Tulit opinor, M. Valerius Coruius Dictator An. CD XI. ob militum Capuanorum secessionem. Ne cuius militis scripti nomen, nisi ipso uolente, deleretur: ne quis ubi Tribunus militum fuisset, postea ordinum ductor esset. Liuius lib. VII.

Sacratis

Sacrat<sup>is</sup> legibus Vestalibus poena incesti constituta est, ut uiuæ defoderentur. Dionys. Hal. lib. I.

Sacrata Iunia de Tribunis pl.] Tulit L. Iu-  
nius Brutus, Trib. pleb. primus creatus. Cassio, Cominio  
COSS. Anno CCLX. Vt plebi sui magistratus essent sa-  
cro sancti quibus auxiliij latio aduersus Consules esset:  
neue cui patrum capere eum magistratum liceret. Vt ne-  
que priuilegium irrogari, neq; de capite ciuis, nisi comi-  
tibus centuriatis rogari liceret. Liuius lib. II. Cicero pro  
Sextio. Dionysius libro sexto, legis uerba hæc refert.  
Δήμαρχου ἄκοντα, ὡς πρὸς γῆνα πολλῶν, μηδ' εἰς  
μηδ' ἂν ἀναγκάζετω δρᾶν, μηδὲ μασιγᾶτω,  
μηδὲ ὤπταττετω μασιγᾶν ἑτέρω, μηδὲ ἀρ-  
καενύτω, μηδὲ ἀρκτινῆν λελευέτω. εἰάν τις  
τις τῶν ἀπικροεὐμλῶν τί ποιήσῃ, ἐξάγισθ  
ἔσω, καὶ τὰ χήματα αὐτῷ δήμετροῖ ἱερά. καὶ  
ὁ λετένας τινὰ τῶν ταῦτα εἰργασμῶν, φόνος  
καθαρὸς ἔσω. Id est, Ne quis Tribunum ui quasi pri-  
uatum quicquam facere cogito, neue uirgis cædito, neue  
occidito, neue cædi occidiue iubeto. qui aduersus ea fece-  
rit, sacer esto: bonaq; eius Cereri sacra sunt: eumq; occi-  
dere ius fasq; esto. Liuius autem lib. III. hoc è rogatione  
carmè edit, Si Tribunos plebis decem rogabo, si quos mi-  
nus hodie decem Tribunos plebis fecerint: hi tum quos  
sibi collegas cooptasint, ita illi legitimi eadem lege Tri-  
buni plebei sint, ut illi quos hodie Tribuni plebei feceri-  
tis. Sacratæ autem leges dicebantur ( inquit Fe-  
stus) quibus sancitum erat, Vt si quis aduersus eas feci-

set, sacer alicui deorum esset. Sunt qui esse dicant Sacra-  
tas, quas plebes iurata in monte sacro sciuerit. Hæc ille.  
Cicero pro Cornelio perduellionis reo, Tanta igitur in  
illis uirtus fuit, ut anno XVI. post reges exactos, post  
nimiam dominationem potentium leges sacratas ipsi si-  
bi constituerent, duos Tribunos crearent, montem illum  
trans Amienen, qui hodie mons sacer appellatur, in quo  
armata cõfederant, æternæ memoriæ causa consecrarët.

Satyra lex.] Festus, Saturam est cibi genus conditi,  
& est lex multis alijs conferta legibus. Itaq; in sanctione  
legum adscribitur, Neue per saturam abrogato, aut de-  
rogato. Annius Luscus in ea quam dixit aduersus Tibe-  
rium Gracchum, Imperium quod plebs per saturam de-  
derat, id abrogatum est. & C. Lætius in ea, quam pro se  
dixit, Dein postera die quasi per saturam sententijs ex-  
quisitis in deditioem accipitur. Quidam dicunt esse ge-  
nus carminis, ubi de multis rebus disputatur. Hæc Fe-  
stus. Sallustius in Iugurth. iisdem uerbis, Dein postero die  
quasi per Satyræ legem sententijs exquisitis in deditio-  
nem accipitur. Ego legem Satyræ fuisse puto, in qua  
coniunctim multis de rebus una rogatione populus con-  
sulebatur. Quod lege Cæcilia & Didia uetitum fuisse Ci-  
cero in Orat. Pro domo sua, testatur. Et sententias ferri  
per satyræ, quum ex multis capitibus & si quædam  
comprobantur, quædam improbantur, iniicitur tamen  
tabella VTI ROGAS. Iustinianus in præfat. ad An-  
tecessores, §. II. Et primi anni hoc opus legentibus trade-  
batur non secundum edicti perpetui ordinationem, sed  
passim

passim, & quasi per satyram collectum, & utile cum inutilibus mixtum, maxima parte inutilibus deputata. Id est, nullo ordine, sed confuse ac perturbatè, dum modò hinc, modo illinc aliquid decerpitur.

Scatinia de pueris impudicis. ] Iuuenal. Sat. II. Sueton. Domitiano. Aufonius, Cicero Philipp. III. Stupratores autem decem millium poena coercebantur. Fabius lib. III. cap. II. & lib. VII. cap. III. Damnatum autem quendam C. Scantinium Trib. pl. Val. lib. VI. capite primo, testatur.

Scribonia de seruitute usucapienda. ] Tullit (opinor) C. Scribonius Curio COS. cum Cn. Octauius. Ne seruitus usucaperetur. Paulus l. III. §. III. De usurpat. & usucap.

Sempronia de fœnore. ] Tullit M. Sempronius Trib. pl. L. Cornelio, Qu. Minutio COSS. Anno DLX. Vt cum socijs ac nomine Latino pecuniæ creditæ ius idem quod cum ciuibus Romanis esset. Lilius libro XXXV.

Sempronia agraria. ] Tullit Ti. Sempronius Gracchus Tribun. pleb. P. Mutio Scauola, L. Calpurnio COSS. Anno DCXX. Ne quis ex publico agro plus quingenta iugera possideret. quorum tamen dimidium filijs sãm. habere liceret. Vt si quis latius agrũ patefaceret, Triumuiroi quotannis data opera creati,  
e 2 iudicarent

iudicaret quâ publicus ager, quâ priuatus esset. Appia-  
 nus, lib. Emphyl. I. Plutarch. in Gracchis, Velleius lib. II.  
 Autor libri De uir. illust. Cicero in Sextian. & De aru-  
 spic. resp. Linius Epit. LVIII. & Siculus Flaccus in lib.  
 De condit. agror. apud quem tamen Ducenta legimus:  
 quum alij omnes apertè Quinquena prodant.

Sempronia de regis Attali hæreditate. ]

Tulit idem. ὅπως τὰ βασιλικὰ χήματα κομι-  
 θήντα, τοῖς τῶν χώρων ἀλαγχάνουσι τῶν πο-  
 λιτῶν, ὑπάρχοι πρὸς κατασκευῶν καὶ γεω-  
 γίας ἀφορμῶν. Vt pecunia regis Attali qui populum  
 Rom. hæredem fecerat, ijs ciuibus qui sua lege Sempro-  
 nia agrum sortiti erant, daretur ad comparationem in-  
 strumentorum & agriculturæ apparatus. Vt agri Re-  
 gij à Censoribus locarentur: unde uectigal populo pen-  
 deretur. Plutarch. in Gracchis. Cic. Verr. V. & Florus  
 epitom. LVIII.

Sempronia iudiciaria. ] Tulit C. Sempronius

Gracchus Tribunus pleb. I. Vt iudicia quæ semper antea  
 penes ordinem senatoriū fuissent, ad solos Equites trans-  
 ferrentur. App. lib. De bello ciuili I. Asconius in Diui-  
 nat. Velleius lib. II. Tacitus lib. XII. Varro De uita P. Ro-  
 mani apud Marcellum in uoce Biceps. Plutarchus autem  
 in Gracchorum uita Equites trecentos cum Senatoribus  
 trecentis mixtos tradit, atq; inter utrosq; communicata  
 iudicia: quod falsum est. Hæc enim Liuia lex fuit: ut suo  
 loco docebimus.

Sempronia

Sempronia de magistratibus. ] Tulit idem. Vt cui magistratus abrogatus fuisset, ei magistratum iterum capere ius non esset. idem.

Sempronia de iure ciuitatis. ] Tulit idem. Ne de capite ciuium Rom. iniussu populi iudicaretur. qui in dicta causa in ciuem Rom. animaduertisset, de eo populi quæstio constitueretur: quod propter P. Popillum latum est. Cicero pro Rabirio, Pro domo, & de legibus III. Pro Cluentio.

Sempronia de suffragijs. ] Tulit idem. Vt socijs Latinis ius suffragij ferendi perinde ut ciuibus Romanis esset. idem.

Sempronia de vijs Italiae. ] Tulit idem. Vt viæ in Italia munitur, sternerentur, lapidibus milliaria discernentibus notarentur, pontibus instruerentur. idem.

Sempronia de colonijs deducendis. ] Tulit idem. Vt colonie extra Italiam deducerentur. Paterculus lib. II. Plutarch. in Gracchis, Appianus in Liby. Florus epit. LX.

Sempronia de re militari. ] Tulit idem. Ne minores annis XVII. ad militiam cogerentur. Vt uestes militibus gratuito & præter stipendium darentur. Plutarch. in Gracchis.

## Sempronia de prouincijs decernendis. ]

Tulit idem. Vt Senatus quotannis ante comitia consularia designandis Consulibus prouincias arbitrato suo decerneret, quas deinde ipsi designati inter se sortirentur: quod antea uel post designatos, uel post initum Consulatium facere solebat: præterea quum antea Senatus decreto per Tribunos intercedi posset, ne deinceps liceret. Cicero Pro domo sua, In Vatinium, De prouinc. COS. Salust. in Iugurthino. Sueton.

## Sempronia frumentaria. ] Tulit idem iterum

Tribun. pleb. M. Fulvio, M. Plautio COSS. Anno DCXXVIII. Vt semisse et triente frumentum menstruum plebi ex publico uiritim daretur. Appian. lib. De bello civili I. Florus Epito. LX. Cicero pro Sextio, Tuscul. III. In Bruto. Velleius lib. II. Plutarch. in uita.

## Sempronia de ære alieno. ] Tulit M. Sempronius

Tribun. pl. Cornelio, Minutio COSS. Anno DLX. Vt cum socijs ac nomine Latino pecuniæ creditæ ius idem quod cum ciuibus Romanis esset. Liuius libro XXXV.

## Sempronia de limitibus. ] Tulit.

Vt per actuarios limites populo ius eundi esset, sicut per uiam publicam. Hyginus in libello De limitibus. constit. Vide Iulia de limitibus.

## Sentia de senatu supplendo. ] Tulit, opinor,

C. Senecæ

C. Senti<sup>us</sup> COS. cum Qu. Lucretio, Augusto imperante, Anno DCCXXXIII. Vt in numerum patritiorum qui senatui deessent, alij sublegerentur. Tacitus lib. XI. ubi tamen corrupte, meo iudicio, Senia legitur, pro Sentia.

Seruilia agraria. ] Tulit P. Seruilius Rullus Tr. pleb. Cicerone, Antonio COSS. Anno DCXC. Vt quæ post C. Marium, C. Carbonem COSS. publicè data, assignata, uendita, concessa essent, ea omnia eo iure forent, ut quæ optimo iure priuata sunt, Vt Decemui<sup>ri</sup> cum summo imperio crearentur, qui totius Italiae, Syriae, Asiae, Libyæ, & prouinciarum quas nuper Pompeius subegerat, uenderent, ex eaq; pecunia agros colonis quos arbitratus suo quo uellent deducerent, mercarentur. Lex Cicerone dissuadente perlata non est. Hoc tamen uisum est ex illius contra legem orationibus describendum esse.

Seruilia de socijs. ] Tulit C. Seruilius Glaucia Trib. pleb. Vt Latinis ius esset ciuitatis assequende in locum eius quem accusando repetundarum damnassent. Ascon. pro Scauro. & Cic. pro Balbo.

Seruilia repetundarum. ] Tulit idem. Vt reus comperēdinaretur: quum antea uel iudicari primò posset: uel Amplius pronuciari. Cic. Verr. III. Pro Posthumo, Pro Scauro, & in hanc Ascon. Valer. lib. VIII. cap. I. Acilia autem posteriorem fuisse Cicero Verrina tertia demonstrat. Hac etiam ipsa lege non licebat, ut testimonium defensori denūciaret accusator. Cic. Verr. III. & in eam Ascon.

Seruilia iudiciaria.] Tulit Qu. Seruilius Cæpio COS. cum C. Atilio, Anno DCXLVII. Vt iudicia quæ lege Sempronia ad solos equites translata erant, ordini Senatorio communicarentur. Tacitus lib. XII. Cic. I. De inuent. II. De orat. In Bruto, in Or. Pro Scauro, & ibidem Ascon. Imparem autem & minorem fuisse Senatorum numerum ex eo constat, quod Lege Liuiæ quæ proximè insecuta est ex æqua parte communicata sunt. & opinor hoc esse quod Florus in Epit. de trecentis Senatoribus cum sexcentis equitibus commixtis ad Legem Semproniam referebat. Lib. LX.

Sextia Licinia de sacerdotijs. ] Tulere L. Sextius, C. Licinius Trib. pl. P. Manlio Dictatore. Anno CCCLXXXVII. Vt pro Duumuiris sacris faciundis, Decemuiri ita creentur, ut pars ex plebe, pars ex patribus fiat. Liuius lib. VI.

Sextia de magistratibus.] Tulit idem L. Sextius, M. Furio Dictatore, Anno CCCLXXXVIII. Vt consul unus è plebe crearetur: qua de causa uicissim concessum à plebe nobilitati, ut Prætor unus qui ius in urbe diceret, ex patribus crearetur. Liuius lib. VI.

Sulpitia de iure ciuitatis. ] Tulit P. Sulpitius Trib. pl. Qu. Pompeio, L. Sylla COSS. Anno DCLXV. Vt exules reuocarentur, Novi ciues libertiniqui; distribuerentur in tribus, Florus epitom. LXXXVII. Plutarchus in Sylla.

Sulpitia

Sulpitia de ære alieno. ] Tulit idem. *μυσθῆνα συγκλητικῶν ὑπὲρ διχιλίας δραχμῶν ὀφείλει.* Ne quis Senator supra duo millia drachmarum deberet. Plutarch. in Sylla.

Sulpitia de bello Mithridatico. ] Tulit idem. Vt Syllæ, cui Asia prouincia obuenerat, ut bellum Mithridaticum administraret, imperium abrogaretur, & C. Mario mandaretur. Velleius libro II. Florus epitome LXXVII. Plutarchus in Sylla, & Appianus De bell. ciuilib. I.

Sulpitia de bello Macedonico. ] Tulit P. Sulpitius Consul cum C. Aurelio, Anno DLIII. Vellent iuberent Philippo regi Macedonibusq;, qui sub regno eius essent, ob iniurias, armaq; illata socijs populi Ro. bellum indici. Liuius lib. XXXI.

Sulpitia Sempronia de templis & aris. ] Tulere ex S. C. P. Sulpitius, P. Sempronius COSS. Anno CDXLIX. Ne quis templum aramue iniussu Senatus aut Tribunorum pleb. maioris partis dedicaret. Liuius libro nono.

## T

Terentia Cassia frumentaria. ] Tulere M. Terentius Lucullus, C. Cassius COSS. Anno DCXXX. Vti frumenti altera decumæ à prouincijs coemerentur precio in modios HS. trium constituto: item ut ciuitatibus æqualiter imperaretur precio in mo-

c 5 dios

dios singulos HS. quatuor constituto. Cicero Verrina  
V. & VII.

Terentia de legibus consularis imperij. ]  
Tulit C. Terentius Arsa Tribun. pleb. Lucretio, Veturio  
COSS. Anno CCXC. Vt quinq; uiri crearentur legibus  
de imperio Consulari scribendis, ne ipsi libidinem ac li-  
centiam suam pro lege haberent. Liius libro III. Dio-  
nysius libro decimo. Corruptè autem antea Terentilla  
uocabatur.

Titia de lusu. ] Tulit. Ne quis in pecu-  
niam luderet, sponsonemue in ludo, nisi qui uirtutis cau-  
sa susceptus esset, faceret. Martianus l. III. D. De aleator.

Titia de triumuiratu quinquennali. ] Tu-  
lit P. Titius Trib. pl. Vt tres uiri Consulari potestate con-  
stituendæ Reipub. in quinquennium crearentur, Cæsar,  
Lepidus, & Antonius. Appianus De bell. ciuil. III. &  
Florus epit. CXX.

Titia de donis & muneribus. ] Tulit L. Ti-  
tius Tribun. pleb. Ne ob orandam causam pecuniam do-  
numue patroni acciperent. Tacit. lib. X. & Aufonius.

Iurisconsulto cui nubit adultera coniux

Papia lex placuit, Iulia displicuit.

Quæritis unde sit hæc distantia, semiuir ipse

Scantiniam metuens, non metuit Titiam.

Eum notat, qui à clientelis inops, nec donum nec munus  
ab ullo capiebat.

Titia

Titia agraria. ] Tulit, opinor, Sext. Titius Trib. pleb. M. Antonio, A. Posthumo COSS. Anno DCLIII. Vt uectigal agris publicè assignatis impositum Quæstor colligeret. Cicero lib. II. De orat. pro Muræna. Valer. lib. VIII. cap. I.

Toria agraria. ] Tulit Sp. Torius Trib. pleb. Ne agri amplius diuiderentur, sed possessoribus in ijs relictis, uectigalia pro ijs penderentur, eaq; pecunia populo diuideretur. τῶ μὲν γὰρ κηκετι δ' ἀνεμείν, ἀλλ' εἰν τῶν ἐχόντων, καὶ φόρος ὑπερ αὐτῆς τῶ δ' ἀμῶ κατὰ τίθεσθαι, καὶ τὰ δετὰ χήματα χωρεῖν εἰς διανομῆς. Hæc Appian. lib. De bello ciuili. I. qui subiungit non multo post latam fuisse legem qua uectigal illud abrogatum est. At Cicero in Bruto lege Toria id factum tradit. Sp. Torius, ait, satis ualuit in populari genere dicendi, is qui agrum publicum uitiosa & inutili lege, uectigali leuauit. Idem præterea in lib. De orat. II. scribit Lucilium lege Toria postulatum fuisse, quòd ab eius pecore agri publici depasti essent. Corruptè autem apud Appianum Borius legitur, pro Torius: ut alia quam multa.

Trebonia de tribunis pl. ] Tulit L. Trebonius Trib. pleb. Herminio, Virginio COSS. Anno CCCVI. Vt qui plebem Romanam Tribunos pleb. rogaret, is usq; eò rogaret, dum X. Tribunos pleb. faceret. Liuius lib. III. & V.

Trebonia

Trebonia de Cæsare. ] Tulit A. Trebonius Tr. pleb. Pompeio, & Crasso iterum COSS. Anno DC=XXCIII. Vt Cæsari imperium in Gallia in aliud quin=quennium quàm quod ei Vatinia lege concessum erat prorogaretur. Ita Trebonius Senatui successoris mittendi potestatem adimebat. Cic. lib. ad Att.

Trebonia de Pompeio. ] Tulit idem. Vt ijs Consulibus Syria & Hispania prouinciæ in quin=quennium darentur. Plut.

Tribunitia de regibus eorumq; legibus. ] Vide Iunia de Regio & Consulari imperio.

## V

Valeria de prouocatione. ] Tulit P. Valerius Poplicola COS. solus, Bruto collega mortuo, Anno CCXLV. Vt aduersus omnes magistratus, ad populum prouocatio esset. ne quis magistratus ciuem Rom. aduersus prouocationem uerberare, aut necare, aut pecunia multare uellet. Ne quis Romæ imperium haberet, nisi cui à populo datum esset, sacrumq; esset cum bonis caput eius qui regni occupandi consilia inisset. Vt plebs à portorijs & tributis præstandis liberaretur. Liuius lib. II. Pompon. De orig. iur. Dionys. lib. V. Plut. in eius uita. Val. Max. lib. III. cap. I.

Valeria de prouocatione. ] Tulit L. Valerius Consul cum M. Horatio, Anno CCCIII. Ne quis illum magistratum sine prouocatione crearet: qui creasset,  
eum

eum iusq; fasq; esse occidi, neue ea cædes capitalis noxæ haberetur. *Liuius lib. III. Dionys. X.*

Valeria de prouocatione. ] Tulit M. Valerius COS. cum Qu. Appuleio, Anno CDLIII. Ne quis qui prouocasset, uirgis cæderetur, securiue necaretur: si quis aduersus ea fecisset, improbe facturum. *Liuius lib. X. Di-  
ligentius, inquit, quàm aliæ sancta est. tertio tum post Re-  
ges exactos lata, semper à familia eadem.*

Valeria de ære alieno. ] Tulit L. Valerius Flac-  
cus COS. cum Qu. Cinna in Marij demortui locum suffe-  
ctus, Anno DCLXIII. Vt creditoribus quadrans solue-  
retur. *Paterculus lib. II.*

Valeria de Syllæ dictatura. ] Tulit L. Vale-  
rius Flaccus Interrex à Senatu proditus, destituta Consi-  
libus ciuitate Carbone & Mario interfectis. Vt L. Sylla  
perpetuus Dictator Reip. constituendæ causa crearetur.  
& quæcunq; is pro imperio fecisset, essent rata. *Cicero  
in Rullum, & Pro Sex. Roscio. Appian. De bell. ciuil. I.*

Valeria de iudicijs. ] Tulit Qu. Valerius Tri-  
bunus pl. L. Martio, Sex. Iulio COSS. Anno DCLXII.  
Vt de ijs qui socios ius ciuitatis appetentes clam palam-  
ue iniuissent, quæstio haberetur. *Appianus libro De bello  
ciuil. primo.*

Valeria de defectione militum, ] Tulit M.  
Valerius

Valerius Corvus Dictator, Anno CD XII. Ne cui militum secesio quam metu supplicij fecerant, quum de Capua que ipsorum presidio commissa erat occupanda conspirassent, eorumq; consilium detectum esset, fraudi esset. *Liuius lib. VII.*

Valeria de iure suffragij.] Tulit C. Valerius Tappo Tribunus pleb. Valerio, Liuius COSS. Anno DLXV. Ut Formianis, Fundanis, Arpinatibus suffragij latio (nam ante sine suffragio habuerant ciuitatem) esset. *Liuius lib. XXXVIII.*

Varia maiestatis.] Tulit Qu. Varius propter obscurum ius ciuitatis Hybrida cognominatus, Trib. pl. aduersus intercessionem collegarum. Ut quaereretur de ijs quorum opera consilioue socij contra populum Ro. arma sumpsissent. *Asconius in Orat. Pro Scauro, & pro Cornelio; & in iisdem Tullius. Val. Max. lib. VIII. cap. VI. Cicero Tuscul. II. & in Bruto.*

Vatinia de Cæsaris prouincijs.] Tulit P. Vatinius Trib. pl. C. Cæsare, M. Bibulo COSS. Anno DCXCIII. Ut C. Cæsari Gallia Cisalpina cum Illyrico in quinquennium sine senatus decreto, & extra sortem mandaretur. Ut coloniam Nouumcomum deduceret. *Tranquillus Cæsare. Cicero in Vatin. Pro Balbo, & ep. ad Lentulum. Sallust. in Iugurth. Plutarch.*

Vellea de hæredum institutione.] Tulit.

Vt

Ut liceret eos qui post testamentum sui nascerentur hoc modo instituere, Si filius me uiuo decedat, tum qui ex eo nepos post testamentum meum suus nascetur: neq; refert quum instituitur, alius eum præcedat, necne: dummodò quum nascitur, suus nascatur. Ut quod in ijs qui post testamentum nascerentur statuerat, id in uiuentibus liceret. Ut si superioribus, sui hæredibus esse desinentibus inferiores uiuentes in eorum ius locumq; succederent, insti-  
tui rectè possent. Scaeuola C. Gallus, XXIX. De lib. & posth. & alibi persæpe.

Villia, annalis.] Tulit L. Villius Trib. pleb. L. Manlio, Qu. Fulvio COSS. Anno DLXXXIII. Quot annos nati, quemq; magistratum peterent, caperentq;. Liuius lib. XL. Villius autem Carolus Sigonius reposuit pro Iulius. Hanc legem significat Ouid. in Fastis, quum ait, Iura dabat populo senior, finitaq; certis

Legibus est ætas, unde petatur honos.

Annus autem fuit Quæsturæ quidem XXVII. Tribu-  
natus XXX. Aeditatis XXXVII. Præturæ XL.  
Consulatus XLIII.

Visellia de libertinis.] Tulit (opinor) L. Vi-  
sellius Varro COS. cum Sex. Cornelio, Nerone impe-  
rante Anno DCCLXXVI. Ne libertini honores &  
dignitates qui ingenuorum proprij sunt, nisi ius annu-  
lorum habeant, assequantur. Imp. l. unica, C. ad leg.  
Visell. l. l. C. Quando prin. act. crim. præiud. Vlpianus  
tit.

80 DE LEGIBVS

tit. III. Viscellia tamen ubiq; legitur: mendose. quoniam Vis-  
selliorum familia nota sit. cuius erat C. Visellius Varro,  
Ciceronis Consobrinius, ut constat ex Bruto.

Vociaria lex ] A Festo nominatur tantum libro  
XIX. uideturq; Duilia Mœnia De unciario fœnore  
significari.

Voconia de mulierum hæreditatibus. ]  
Tulit Qu. Voconius Saxa Trib. pleb. Scipione & Phi-  
lippo COSS. Anno Ne qui census esset, mu-  
lierem suis bonis hæredem institueret. Cic. Verr. III. De  
senectute, De finib. lib. II. Gellius lib. XVII. cap. V.  
Augustin. lib. De ciuit. Dei III. Florus in  
epit. lib. XLI. Vbi Volumnus  
legitur pro Voconius.

LEGVM

LEGVM, QVA  
RVM INCERTA SVNT  
nomina, recensio.

**L** Ex semunciarij fœnoris. ] Tullit.  
T. Manlio Torquato, C. Plautio COSS. Anno  
CDVI. Liius lib. VII.

Leges de ambitu. ] Vt qui competitorem suum  
ambitus damnasset, pro eo substitueretur. Cicero pro Syl  
la. Vt qui quempiam ambitus damnasset, eius tribum as  
sequeretur. Cicero pro Balbo. Vt qui de ambitu damna  
tus alium eodem crimine damnasset, in integrum restitu  
retur. Cicero pro Cluentio.

Lex de carminibus infamibus. ] Donatus  
in Terentium, Sed quum poetæ abuti licentius stylo, et  
passim ledere ex libidine cœpissent plures bonos: ne  
quisquam in alterum carmen infame proponeret, lege  
lata, siluere, Lex est accepta, chorusq; Turpiter obti  
cuit, sublato iure nocendi. Hoc Donatus ex Horatij li  
bro De arte.

Lex de ciuitate Romana. ] Mutini Libyphœ  
niq; danda, qui quum ab Annone Carthaginensium Im  
peratore cuius prefectus fuerat dignitate sua spoliatus  
esset, Agrigentum Romanis prodidit. Liius libro  
XXVII.

f

Lex

Lex de C. Seruilio. ] Tulit. Cn. Seruilio, C. Seruilio COSS. Anno DL. Ne illi fraudi esset, quod patre qui sella curuli sedisset, uiuo, quum id ignoraret: Tribunus pl. atq; Aedilis pleb. fuisset, contra quam sancitum legibus erat. Fuerat autem C. Seruiliij pater annos XVI. apud hostes Boios captiuus. Liuius lib. XXX.

Lex de comitijs. ] Ne in comitijs magistratuum absentum ratio haberetur. Suetonius, & Plutarchus in Cesare.

Lex agraria paulo post C. Gracchi necem lata, τῶν γῶν κῶν ἡς διεφέροντο, δὲ εἶναι πικρὰ σκῆψιν τοῖς ἔχουσιν. ἀπέριπτο γὰρ ἐκ γράκχου ἢ πλοτέρου καὶ τόδῃ. id est, Vt liceret ijs qui agrum lege Sempronia possidebant, uendere. Hoc enim lex Ti. Gracchi uetabat. Appian. lib. De bello ciuil. I.

Lex lata Papirio, Caruilio COSS. Anno CDLIX. Vt qui iuniorum non conuenisset ad Imperatorium editum, quiq; iniussu abisset, caput Ioui sacratum esset. Liuius libro decimo.

Leges de comitijs. ] Ne quis inspiciat tabellam, neroget, ne appellet. Cicero De legib. lib. III.

Lex ut rei frumentariae procuratio Sex. Clodio adempta Cn. Pompeio mandaretur. Cicero Pro domo sua. Plut. in uita. Dio lib. XXXIX.

Lex apud Romanos. ] Vt neq; libera neq; serua biberet unum, neq; uerò clarorum uirorum quispiam à pube usq; ad trigessimum quintum annum. Aelianus libro II.

Lex de magistratibus. ] Vt numerus liberorum in candidatis præpolleret. Cornel. Tacit. lib. II.

Lex, qua Flaminiæ Dialis sacrorum causa in potestate uiri, cætera promiscuo iure ageret. Tacitus lib. III.

Lex quæ sumptum sepulchrorum definiebat, & qui eum modum superasset, tanta pecunia quantam præter modum impendisset, multabat. Cicero ad Att. libro XII. epist. XXXIII.

Lex, P. Scipione, C. Liuiio COSS. lata per unũ è Tripl. Anno DCVI. Vt Belli Punici secundi administratio P. Scipioni Consuli mandaretur, ut ex delectibus supplementum conscriberet, uoluntarios quotquot posset à socijs acciperet, & ad reges ac ciuitates literas daret inscriptas populi Ro. nomine. Appian. De bell. punicis.

Lex Castrensis apud Romanos. ] Quæ profertore habet, si quis ulterius secedat, quam unde signa audiri possint. Appian. in Libyco.

Lex de Tribunis pl. ] εἰ δὲ μάρχῃ ἢ ἄλλῃ  
ταῖς πρᾶξιαις, τὸν δῆμον ἐκ πάντων ἕδει  
f 2 λέγεσθαι

λεγει. Vt si Tribunus nondum promissa præstiterit, eius imprimis ratio à populo Comitij Tribunitij habeatur. Appian. De bell. ciuil. I.

Lex de uacatione. ] Appian. De bello ciuil. lib. II. sic scribit, ὅτι δ' ἄντι ῥωμαίοις ἐπιφοβαίως νόμων τῶν πρὸς ἀσρατείας ἱερέων καὶ γερόντων ἐγγραφῶναι, πλὴν εἰ μὴ κελτικός πόλεμος ἐπιπιοι, τότε δὲ καὶ γερόντας καὶ ἱερέας στρατεύεσθαι. Vsq; eo, inquit, Galli Romanis terribiles & formidolosi sunt, ut in lege de uacatione militiæ, quæ sacerdotibus & senibus permittitur, illud ascriptum sit, nisi si bellum Gallicum exoriat. tum enim & senes & sacerdotēs in militiam proficisci. Liuius quoq; lib. VIII. tradit, exorto tumultu Gallico, Mamercum COS. iussur scribere exercitum sine ulla uacationis uenia. quin opificum quoq; uulgius, et sellularij, minime militiæ idoneum genus, exciti dicuntur. Idem præterea lib. X. Vbi de eodem nūcio commemorat, Senatus, inquit, iustitia iudici, delectum omnis generis hominum habere iussit, nec ingenui modo, aut iuniores sacramento adacti sunt: sed seniorum etiam cohortes factæ, Libertiniq; centuriati. Plutarchus præterea in uita M. Marcelli, de Gallis loquens: ὅς μάλιστα, inquit, ῥωμαίοι δεῖσαι δοκῶσιν, ἅτε δὴ καὶ τῶν πόλιων τῶν αὐτῶν ἀρβαλόνιτες. ὅς ἐκείνους δὲ καὶ δέμνοι νόμου, ἀτελεῖς εἰς ἀσρατείας ἴσ' ἱερέας, πλὴν εἰ μὴ γαλατικός πάλιν ἐπέλθοι πόλεμος. Id est, Quos maxime Romani metuisse uidentur, quippe à quibus urbe pulsati aliquando

aliquando fuerant, ac iam tum legem tulerant, ut uacatio militiae sacerdotibus esset, praeterquam si rursus bellum Gallicum exoriretur. Item in Camillo: ὅτω δὲ δὴ ὁ φόβος ἡ ἰσχυρὸς, ὡς εἰ δὲ δὴ νόμου ἀφείδης τὸς ἱερεῖς στρατείας, χωρὶς ἀρμὴ γαλατικὸς ἢ πόλεμος. Id est, Tantus erat Gallorum motus, ut legem Romani tulerint, ut sacerdotes militiae uacationem haberent, praeterquam si bellum Gallicum exoriretur. Tumultu tamen, non bello Gallico, hanc fuisse consuetudinem, Cicero Philippica octaua docet, his uerbis: Grauius autem esse tumultum, quam bellum, hinc intelligi potest, quod bello Gallico uacationes ualent, tumultu non ualent.

F I N I S.

Pag. 75. uers. 12. lege, ὁ νόμος.

BASILEAE, APVD NICOLAVM  
EPISCOPIVM IVNIOREM,  
ANNO M. D. LVII

